

大智度論卷第二十一

龍樹菩薩造

姚秦三藏法師鳩摩羅什譯

釋初品中八背捨八勝處九次第定十一切處

八背捨者內有有色外亦觀色是初背捨內無色外觀色是第一背捨淨背捨身作證第三背捨四無色定著心故名背捨不壞內外色不內外滅色相以是不淨心觀色是名初背捨壞內色滅內色相不壞外色不滅外色相以是不淨心觀外色是第二背捨是二

C40
4514
125-A



B 64853

7891012345678920123456789301234567894012345678950

皆觀不淨一者觀內觀外二者不見內但見外何以故衆生有二分行愛行見行愛多者著樂多縛在外結使行見多者多著身見等行爲內結使縛以是故愛多者觀外色不淨見多者觀自身不淨壞敗復次行者初心未細攝繫心一處難故內外觀漸習調柔能內壞色相但觀外問曰若無內色相誰當觀外答曰是爲得解道非實道行者念未來死火燒蟲噉埋著土中皆磨滅若現在觀亦分別是身乃至微塵皆無是名內無色相外觀色問曰二勝處見內外色六勝處但見外色一背捨見內外色二背捨但見外色

何以故但內有壞色相外色不能壞答曰行者眼見是身有死相取是未來死相以況今身外四大不見減相故難可觀無故不說外色壞復次離色界時是時亦不見外色淨背捨身作證者不淨中淨觀如八勝處說前八一切處觀清淨地水火風及青黃赤白觀青色如青蓮華如金精山如優摩伽華如真青婆羅奈衣觀黃赤白各隨色亦如是總名淨背捨問曰若總是淨背捨不應說一切處答曰背捨是初行者勝處是中行一切處是久行不淨觀有二種一者不淨二者淨不淨觀中二背捨四勝處淨觀中一背捨

789101234567892012345678930123456

四勝處八一切處問曰行者以不淨爲淨名爲顛倒淨背捨觀云何不顛倒答曰女色不淨妄見爲淨是名顛倒淨背捨觀一切實青色廣大故不顛倒復次爲調心故淨觀以久習不淨觀心厭以是故習淨觀非顛倒亦是中不著故復次行者先觀身不淨隨身法所有內外不淨繫心觀中是時生厭姪恚癡薄卽自驚悟我爲無目此身如是云何生著攝心實觀無令復鎗心旣調柔想身皮肉血髓不淨除卻唯有白骨繫心骨人若外馳散攝之令還淡攝心故見白骨流兌如珂如貝能喫内外諸物是爲淨背捨初門然

後觀骨人散滅但見骨兌取外淨潔色想復次若金剛真珠金銀寶物若清淨地若淨水如無烟無薪淨潔火若清風無塵諸青色如金精山諸黃色如瞻葡萄赤色如赤蓮華諸白色如白雪等取是相繫心淨觀隨是諸色各有清淨兌耀是時行者得受喜樂偏滿身中是名淨背捨緣淨故名爲淨背捨偏身受樂故名爲身證得是心樂背捨五欲不復喜樂是名背捨未漏盡故中間或結使心生隨著淨色復勤精進斷此著故如是淨觀從心想生譬如幻主觀所幻物知從已出心不生著能不隨所緣是時背捨變名

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6

勝處於淨觀雖勝未能廣大是時行者還取淨相用
背捨力及勝處力故取是淨地相漸漸徧滿十方虛
空水火風亦爾取青相漸令廣大亦徧十方虛空黃
赤白亦如是是時勝處復變爲一切處是三事一義
轉變有三名問曰是三背捨八勝處十一切處是實
觀是得解觀若實觀身有皮肉何以但見白骨人三
十六物合爲身法何以分別散觀四大各自有相何
以滅三大但觀一地大四色非盡是青何以都作青
觀答曰有實觀亦有得解觀身相實是不淨是爲實
觀外法中有淨相種種色相是爲實淨觀淨不淨是

爲實觀以此少許淨廣觀一切皆是淨取是一水徧
觀一切皆是水取是少許青相徧一切皆是青如是
等是爲得解觀非實四無色背捨如四無色定中觀
欲得背捨先入無色定無色定是背捨之初門背捨
色緣無量虛空處問曰無色定亦爾有何等異答曰
凡夫人得是無色定是爲無色聖人深心得無色定
一向不迴是名背捨餘殘識處無所有處非有想非
無想處亦如是背滅受想諸心心數法是名滅受想
背捨問曰無想定何以不名背捨答曰邪見者不審
諸法過失直入定中謂是涅槃從定起時還生悔心

墮在邪見是故非肯捨滅受想患厭散亂心故入定
休息似涅槃法著身中身得故名身證八勝處者內
有色相外觀色少若好若醜是色勝知勝觀是名初
勝處內色相外觀色多若好若醜是色勝知勝觀是
名第二勝處第三第四亦如是但以內無色相外觀
色爲異內亦無色相外觀諸色青黃赤白是爲八勝
處內色相外觀色者內身不壞見外緣少者緣少故
名少觀道未增長故觀少因緣觀多畏難攝故譬如
鹿遊未調不中遠放若好若醜者初學繫心緣中若
眉間若額上若鼻端內身不淨相內身中不淨相觀
外諸色善業報故名好不善業報故名醜復次行者
如從師所受觀外緣種種不淨是名醜色行者或時
憶念忘故生淨相觀淨色是名好色復次行者自身
內繫心一處觀欲界中色二種一者能生婬欲二者
能生瞋恚能生婬欲者是淨色名爲好能生瞋恚者
是不淨色名爲醜於緣中自在勝知勝見行者於能
生婬欲端正色中不生婬欲於能生瞋恚惡色中不
生瞋恚但觀色四大因緣和合生如水沫不堅固是
等諸結使未能不隨是名勝處勝是不淨中淨顛倒

等諸煩惱賊故問曰行者云何內色想外觀色答曰
是八勝處深入定心調柔者可得行者或時見內身
不淨亦見外色不淨不淨觀有二種一者三十六物
等種種不淨二者除內外皮肉五藏但觀白骨如珂
如雪三十六物等觀是名醜如珂如雪觀是名好行
者內外觀時心散亂難入禪除自身相但觀外色如
阿毗曇中說行者以得解脫觀見是身歎歎已舉出
塚間若火燒若蟲噉皆已滅盡是時但見蟲火不見
身是名內無色相外觀色行者如毅受觀身是骨人
若心外散還攝骨人緣中何以故是人初習行未能
觀細緣故是名少色行者觀道轉深增長以此一骨
人徧觀闇浮提皆是骨人是名爲多還復攝念觀一
骨人以是故名勝知勝見復次隨意五欲中男女相
淨潔相能勝故名爲勝處譬如健人乘馬擊賊能破
名爲勝又能制御其馬是亦名勝行者亦如是能自
於不淨觀中少能多多能少是爲勝處亦能破五欲
賊亦名勝處內未能壞身外觀色若多若少若好若
醜是初第二勝處內壞身無色相觀外色若多若少
若好若醜是第三第四勝處攝心深入定中壞內身
觀外淨緣青青色黃赤白白色是爲後四勝處問曰

是後四勝處十一切處中青等四處有何等異答曰
青一切處能普緣一切令青是勝處若多若少隨意
觀不令異心奪觀勝是緣名爲勝處譬如轉輪聖王
徧勝四天下閻浮提王勝一天下而已一切處普徧
勝一切緣勝處但觀少色能勝不能徧一切緣如是
等略說八勝處十一切處者背捨勝處已說此以徧
滿緣故名一切處問曰何以無所有處非有想非無
想處不名一切處答曰是得解之心安隱快樂廣大
無量無邊虛空處是佛所說一切處中皆有識能疾
緣一切法故一切法中皆見有識以是故二處立一

切處無所有中無物可廣亦不得快樂佛亦不說是
無所有無邊無量非有想非無想處心鈍難得取相
令廣大復次虛空處近色界亦能緣色識處能緣緣
色又識處起能超入第四禪第四禪起超入識處無
所有處非有想非無想處遠無色因緣故非一切處
是三種法皆行得勝處一切處是有漏初三背捨第
七第八背捨是有漏餘殘或有漏或無漏初二背捨
初四勝處初禪二禪中攝淨背捨後四勝處八一切
處第四禪中攝二一切處卽名說空處空處攝識處
識處攝前三背捨八勝處八一切處皆緣欲界後四

背捨緣無色界及無漏法諸妙功德在根本中善無色根本不緣下地故滅受想定非心心數法故無緣非有想非無想處背捨但緣無色四陰及無漏法九次第定者從初禪心起次第入第二禪不令餘心得入若善若垢如是乃至滅受想定問曰餘者亦有次第何以但稱九次第定答曰餘功德皆有異心間生故非次第此中湊心智慧利行者自試其心從一禪心起次入二禪不令異念得入此於功德心柔軟善斷法愛故能心心相次是次第二是有漏七或有漏或無漏禪中間未到地不牢固又是聖人所得又此

大功德不在邊地是故無次第八背捨八勝處一切處九次第定聲聞法中略說

釋初品中九想義

經九想脹想壞想血塗想膿爛想青想噉想散想骨

想燒想

論問曰應當先習九想離欲然後得諸禪何以故諸禪定後方說九想答曰先讚果報令行者心樂九想雖是不淨人貪其果報故必習行問曰行者云何觀是脹想等九事答曰行者先持戒清淨令心不悔故易受觀法能破婬欲諸煩惱賊觀人初歎之日辭訣

言語息出不反奄忽已歟室家驚慟號哭呼天言說方爾奄便那去氣滅身冷無所覺識此爲大畏無可免處譬如劫盡火燒無有遺脫如說

歎至無貧富 無勤修善惡 無貴亦無賤
老少無免者 無祈請可救 亦無欺詐離
無捍格得脫 一切無免處

歎法名爲永離恩愛之處一切有生之所惡者雖甚惡之無得脫者我身不久必當如是同於木石無所別知我今不應貪著五欲不覺歎至同於牛羊牛羊禽獸雖見歎者踴騰哮吼不自覺悟我既得人身識

別好醜當求甘露不歎之灑如說

六情身完具 智鑒亦明利 而不求衢灑

唐受身智慧

禽獸皆亦知

欲樂以自恣

而不知方便

爲衢修善事

旣已得人身

而但自放恣

不知修善事

與彼亦何異

三惡衢衆生

不得修衢業

已得此人身

當勉自益利

行者到歎歎遍見歎脣脹如韋囊盛風異於本相心生耽畏我身亦當如是未脫此法身中主識役御此身視聽言語作罪作福以此自恣爲何所趣而今

但見空舍在此是身好相細膚姝媚長眼直鼻平額高眉如是等好令人心惑今但見脣脹好在何處男女之相亦不可識作此觀已呵著欲心此是屎囊脣脹可惡何足貪著歟屎風熱轉大裂壞在地五藏屎尿膿血流出惡露已現行者取是壞相以況已身我亦如是皆有是物與此何異我爲甚惑爲此屎囊薄皮所誑如燈蛾投火但貪明色不知燒身已見裂壞男女相滅我所著者亦皆如是歟屎已壞肉血塗漫或見杖楚歟者青瘀黃赤或日曝瘡裏具取是相觀所著者若赤白之色淨潔端正與此何異既見青瘀

黃赤鳥獸不食不埋不藏不久膿爛種種蟲生行者見已念此歟屎本有好色好香塗身衣以上服飾以華綵今但臭壞膿爛塗染此是真實分先所飾綵皆是假僞若不燒不埋棄之曠野爲鳥獸所食鳥挑其眼狗分其手腳虎狼剝腹分掣瓢裂殘藉在地有盡不盡行者見已心生獸想思惟此屎未壞之時人所著處而今壞敗無復本相但見殘藉鳥獸食處甚可惡畏鳥獸已去風日飄曝筋斷骨離各各異處行者思惟本見身法和合而有身相男女皆可分別今已離散各在異處和合法滅身相亦無皆異於本所可

7891012345678920123456789301234567894012345678950

愛著今在何處身旣離散處處白骨鳥獸食已唯有
 骨在觀是骨人是爲骨想骨想有二種一者骨人筋
 骨相連二者骨節分離筋骨相連破男女長短好色
 細滑之相骨節分離破衆生根本實相骨想復有二
 種一者淨二者不淨淨者久骨白淨無血無膩色如
 白雪不淨者餘血塗染膏膩未盡行者到屍林中或
 見積多艸木焚燒歟腹破眼皮出黑色甚可惡
 畏須臾之間變爲灰燼行者取是燒想思惟此身未
 死之前沐浴香華五欲自恣今爲火燒甚於兵刃此
 屍初歟形猶侶人火燒須臾本相都失一切有身皆

歸無常我亦如是覩是九想斷諸煩惱於滅姪欲最
 勝爲滅姪欲故說是九想問曰無常等十想爲滅何
 事故說答曰亦爲滅姪欲等三毒問曰若爾者二相
 有何等異答曰九想爲遮未得禪定爲姪欲所覆故
 十想能除滅姪欲等三毒九想如縛賊十想如斬殺
 九想爲初學十想爲成就復次是十想中不淨想攝
 九想有人言十想中不淨想食不淨想世間不可樂
 想攝九想復有人言十想同爲離欲俱爲涅槃
 所以者何初歟想動轉言語須臾之間忽然已歟身
 體脅脹爛壞分散各各變異是則無常若有著此法

無常壞時是卽爲苦若無常苦無得自在者是則無我不淨無常苦無我則不可樂觀身如是食雖在口
卽是食不淨想以此九想觀身常變念念皆滅卽是
人想以是九想厭世間樂知煩惱斷則安隱寂滅卽
是斷想以是九想遮諸煩惱卽是離想以是九想厭
世間故知此五衆滅更不復生是處安隱卽是盡想
復次九想爲因十想爲果是故先九想後十想復次
九想爲外門十想爲內門是故經言一爲甘露門一
者不淨門二者安那般那門是九想除人七種染著
或有人染著色若赤若白若赤白若黃若黑或有人
不著色但染著形容細膚纖指脩目高眉或有人不
著容色但染著威儀進止坐起行住禮拜俯仰揚眉
頓眼親近按摩或有人不著容色威儀但染著言語
輭聲美辭隨時而說應意承旨能動人心或有人不
著容色威儀輭聲但染著細滑柔膚輭肌軟時身涼
寒時體溫或有人皆著五事或有人都不著五事但
染著人相若男若女雖得上六種欲不得所著之人
猶無所解捨世所重五種欲樂而隨其眾眾想多除
威儀語言愛憐脹想壞想噉想散想多除形容愛血

塗想青瘀想膿爛想多除色愛骨想燒想多除細滑
愛九想除襍愛及所著人愛歎想散想骨想偏除人
愛歎殘離散白骨中不見有人可著以是九想觀離
愛心瞋癡亦微薄不淨中淨顛倒癡故著是身今以
是九想披析身內見是身相癡心薄癡心薄則貪欲
薄貪欲薄則瞋亦薄所以者何人以貪身故生瞋今
觀身不淨心狀故不復貪身故不復生瞋三
毒薄故一切九十八使山皆動漸漸增進其道以金
剛三昧摧碎結山九想雖是不淨觀依是能成大事
譬如大海中臭屍溺人依以得渡問曰是九想有何
性何所緣何處攝答曰取想性緣欲界身色想象攝
亦身念處少分或欲界攝或初禪二禪四禪攝未離
欲散心人得欲界繫離欲人心得色界繫脢脹等八
想欲界初禪二禪中攝淨骨想欲界初禪二禪四禪
中攝三禪中多樂故無是想是九想是開身念處門
身念處開三念處門是四念處開三十七品門三十
七品開涅槃城門入涅槃離一切憂惱諸苦滅五衆
因緣生故受涅槃常樂問曰聲聞人如是觀心狀離
欲疾入涅槃菩薩憐愍一切衆生集一切佛法度一
切衆生不求疾入涅槃故觀是九想云何不墮二乘

證答曰菩薩於衆生心生憐愍知衆生以三毒因緣故受今世後世身心苦痛是三毒終不自滅亦不可以餘理得滅但觀所著内外身相然後可除以是故菩薩欲滅是姪欲毒故觀是九想如人憐愍病者合和諸藥以療之菩薩亦如是爲著色衆生說是青瘀想等隨其所著分別諸相如先說是爲菩薩行九想觀復次菩薩以大慈悲心行是九想作是念我未具足一切佛法不入涅槃是爲一法門我不應住此一法門我當學一切法門以是故菩薩行九想無所妨菩薩行是九想或時歎患心起如是不淨身何惡可

患欲疾取涅槃爾時菩薩作是念十方諸佛說一切法相空空中無無常何況有不淨但爲破淨顛倒故習行不淨是不淨皆從因緣和合生無有自性皆歸空相我今不應取是因緣和合生無自性不淨法欲疾入涅槃經中亦有是說若色中無味相衆生不應著色以色中有味故衆生起著若色無過罪衆生亦無厭色者以色實有過惡故觀色則厭若色中無出相衆生亦不能於色得解脫以色有出相故衆生中色得解脫味是淨相因緣以是故菩薩不於不淨中沒早取涅槃九想義分別竟

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6

釋初品中八念

論語卷三十一

廿四

經念佛念法念僧念戒念捨念天念入出息念歟
論問曰何以故九想次第有八念答曰佛弟子於阿
蘭若處空舍冢間山林曠野善修九想內外不淨觀
厭患其身而作是念我云何擔是底下不淨屎尿囊
自隨歎然驚怖及爲惡魔作種種惡事來恐怖之欲
令其退以是故佛次第爲說八念如經中說佛告諸
比丘若於阿蘭若處空舍冢間山林曠野在中思惟
若有怖畏衣毛爲豎爾時當念佛佛是多陀阿伽度
阿羅訶三藐三佛陀乃至婆伽婆恐怖則滅若不念

佛當應念法佛法清淨巧出善說得今世報指示開
發有智之人心力能解如是念佛怖畏則除若不念
法則當念僧佛弟子衆修正道隨法行僧中有阿羅
漢向阿羅漢乃至須陀洹向須陀洹四雙八輩是佛
弟子衆應供養合掌恭敬禮拜迎送世間無上福田
作如是念僧恐怖卽滅佛告諸比丘釋提桓因與阿
脩羅鬪在大陣中時告諸天衆汝與阿脩羅鬪時設
有恐怖當念我七寶幢恐怖卽滅若不念我幢當念
伊舍那天子帝釋左面天王寶幢恐怖卽除若不念伊舍那
寶幢當念婆樓那天子右面天王寶幢恐怖卽除以是故

知爲除恐怖因緣故次第說八念問曰經中說三念
因緣除恐怖五念復云何能除恐怖答曰是比丘自
念布施持戒功德怖畏亦除所以者何若破戒心畏
墮地獄若慳貪心畏墮餓鬼及貧窮中自念我有是
淨戒布施若念淨戒若念布施心則歡喜作是言若
我命未盡當更增進功德若當命終不畏墮惡道以
是故念戒施亦能令怖畏不生念上諸天皆是布施
持戒果報此諸天以福德因緣故生彼我亦有是福
德以是故念天亦能令怖畏不生十六行念安那般
那時細覺尚滅何況恐怖麤覺念眾者念五衆身念

念生滅從生已來常與眾俱今何以畏眾是五念佛
雖不說亦能除恐怖所以者何念他功德以除恐怖
則難自念已事以除恐怖則易以是故佛不說問曰
云何是念佛答曰行者一心念佛得如實智慧大慈
大悲成就是故言無錯謬麤細多少深淺皆無不實
皆是實故名多陀阿伽度亦如過去未來現在十方
諸佛於衆生中起大悲心行六波羅蜜得諸法相來
至阿耨多羅三藐三菩提中此佛亦如是是名多陀
阿伽度如三世十方諸佛身放大光明徧喚十方破
諸異闇心出智慧光明破衆生無明闇冥功德名聞

亦徧滿十方去至涅槃此佛亦如是去以是故亦名多陀阿伽度有如是功德故應受一切諸天世人最上供養是故名阿羅訶若有人言何以故但佛如實說如來如去故應受最上供養以佛得正徧智慧故正名諸法不動不壞相徧名不爲一法二法故以悉知一切法無餘不盡是名三藐三佛陀是正徧智慧故不從無因而得亦不從天得是中依智慧持戒具足故得正徧智慧智慧名菩薩從初發意乃至金剛三昧相應智慧持戒名菩薩從初發意乃至金剛三昧身業口業清淨隨意行是故名鞞闍遮羅那三般那若行是二行得善去如車有兩輪善去者如先佛所去處佛亦如是去故名修伽陀若有言佛自修其法不知我等事以是故知世間知世間因知世間盡知世間盡道故名爲路迦憊知世間已調御衆生於種種師中最爲無上以是故名阿耨多羅富樓沙曇藐婆羅提能以三種道滅三毒令衆生行三乘道以是故名貰多提婆魔菟舍喃若有言以何事故能自利益無量復能利益他人無量佛一切智慧成就故過去未來現在盡不盡動不動一切世間了了悉知故名爲佛陀得是九種名號有大名稱徧滿十方以是

故名婆伽婆經中佛自說如是名號應當作是念佛
復次一切種種功德盡在於佛佛是劫初轉輪聖王
摩訶三摩陀等種闍浮提中智慧威德諸釋子中生
貴姓喬曇氏生時光明徧三千大千世界梵天王持
寶蓋釋提桓因以天寶衣承接阿那婆躡多龍王婆
伽多龍王以妙香湯澡浴生時地六種動行至七步
安詳如象王觀視四方作師子吼我是末後身當度
一切衆生阿私仙人相之告淨飯王是人足下千輻
輪相指合縵綱當自於法中安平立無能動無能壞
者手中德字縵綱莊嚴當以此手安慰衆生令無所
畏如是乃至肉骨髻相如青珠山頂青色光明從四
邊出頭中頂相無能見上若天若人無有勝者白毫
眉間峙白光踰玻瓈淨眼長廣其色紺青鼻高直好
甚可愛樂口四十齒白淨利好四牙上白其光最勝
脣上下等不大不小不長不短舌薄而大輒赤紅色
如天蓮華梵聲深遠聞者悅樂聽無厭足身色妙好
勝闍浮檀金大光周身種種襍色妙好無比以如是
等三十二相具足是人不久出家得一切智成佛佛
身功德如是應當念佛復次佛身功德身力勝於十
萬白香象寶是爲父母遺體力若神通功德力無量

無限佛身以三十二相八十隨形好莊嚴內有無量
佛法功德故視之無厭見佛身者忘世五欲萬事不
憶若見佛身一處愛樂無厭不能移觀佛身功德如
是應當念佛復次佛持戒具足清淨從初發心修戒
增積無量與憐愍心俱不求果報不向聲聞辟支佛
衛不襍諸結使但爲自心清淨不惱衆生故世世持
戒以是故得佛道時戒得具足應如是念佛戒衆復
次佛定衆具足問曰持戒以身口業清淨故可知智
慧以分別說法能除衆疑故可知定者餘人修定尚
不可知何況於佛云何得知答曰大智慧具足故當
知禪定必具足譬如見蓮華大必知池亦深大又如
燈明大者必知酥油亦多亦以佛神通變化力無量
無比故知禪定力亦具足亦如見果大故知因亦必
大復次有時佛自爲人說我禪定相甚深如經中說
佛在阿頭摩國林樹下坐入禪定是時大雨雷電霹
靂有四特牛耕者二人聞聲怖歎須臾便晴佛起經
行有一居士禮佛足已隨從佛後白佛言世尊向者
雷電霹靂有四特牛耕者二人聞聲怖歎世尊聞不
佛言不聞居士言佛時睡耶佛言不睡曰入無心想
定耶佛言不也我有心想但入定耳居士言未曾有

也諸佛禪定大爲甚深有心想在禪定如是大聲覺而不聞如餘經中佛告諸比丘佛入出諸定舍利弗目捷連尚不聞其名何況能知何者是如三昧王三昧師子遊戲三昧等佛入其中能令十方世界六種震動放大光明化爲無量諸佛徧滿十方如阿難一時心生念過去然燈佛時時世好人壽長易化度今釋迦牟尼佛時世惡人壽短難教化佛事未訖而入涅槃耶清旦以是事白佛言已日出佛時入日出三昧如日出光明照浮提佛身如是毛孔普出光明徧照十方恒河沙等世界一一光明中出七寶千葉蓮華一一華上皆有坐佛一一諸佛皆放無量光明一一光明中皆出七寶千葉蓮華一一華上皆有坐佛是諸佛等徧滿十方恒河沙等世界教化衆生或有說法或有默然或以經行或神通變化身出水火如是等種種方便度脫十方五道衆生阿難承佛威神悉見是事佛攝神足從三昧起告阿難見是事不聞是事不阿難言蒙佛威神已見已聞佛言佛有如是力能究竟佛事不阿難言世尊若衆生滿十方恒河沙等世界中佛壽一日用如此力必能究竟施作佛事阿難歎言未曾有也世尊諸佛法無量不可思議以

是故知佛禪定具足復次佛慧衆具足從初發心於
阿僧祇劫中無法不行世世集諸功德一心專精不
懈身命以求智慧如薩陀波崙菩薩復次以善修大
悲智慧故具足慧衆餘人無是大悲雖有智慧不得
具足大悲欲度衆生求種種智慧故及斷法愛滅六
十二邪見不墮二邊若受五欲樂若修身苦道若斷
滅若計常若有若無等如是諸法邊復次佛慧無上
徹鑒無比從甚深禪定中生故諸麤細煩惱所不能
動故善修三十七品四禪四無量心四無色定八背
捨九次第定等諸功德故有十力四無所畏四無礙
智十八不共法得無礙不可思議解脫故佛慧衆具
足復次能降伏外道大論議師所謂優樓頻螺迦葉
摩訶迦葉舍利弗目犍連薩遮尼捷子婆蹉普羅長
爪等大論議師輩皆降伏是故知佛慧衆具足復次
佛三藏十二部經八萬四千法聚見是語言多故知
智慧亦大譬如居士清朝見大雨處語衆人言昨夜
雨龍其力甚大衆人言汝何以知之答言我見地濕
泥多山崩樹折殺諸鳥獸以此故知龍力爲大佛亦
如是甚深智慧雖非眼見雨大法雨諸大論師及釋
梵天王皆以降伏以是可知佛智慧多復次諸佛得

7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

無礙解脫故於一切法中智慧無礙復次佛此智慧皆清淨出諸觀上不觀諸法常相無常相有邊相無邊相有去相無去相有相無相有漏相無漏相有爲相無爲相生滅相不生滅相空相不空相常清淨無量如虛空以是故無礙若觀生滅者不得觀不生滅觀不生滅者不得觀生滅若不生滅實生滅不實若生滅實不生滅不實如是等諸觀皆爾得無礙智故知佛慧衆具足復次念佛解脫衆具足佛解脫諸煩惱及習根本拔故解脫真不可壞一切智慧成就故名爲無礙解脫成就八解脫甚深偏得故名爲具足解脫復次離時解脫及慧解脫故便具足成就共解脫成就如是等解脫故名具足解脫衆復次破魔軍故得解脫離煩惱故得解脫離遮諸禪法故得解脫於諸禪定入出自自在無礙故復次菩薩於見諦道中得深十六解脫一苦法智相應有爲解脫二苦諦斷十結盡得無爲解脫如是乃至道比智思惟道中得十八解脫一或比智或法智相應有爲解脫二斷無色界三思惟結故得無爲解脫如是乃至第十八盡智相應有爲解脫及一切結使盡得無爲解脫如是諸解脫和合名爲解脫衆具足復次念佛解脫知見

789101123456789201234567893012345678930

衆具足解脫知見衆有二種一者佛於解脫諸煩惱
中用盡智自證知知苦已斷集已證盡已修道已是
爲盡智解脫知見衆知苦已不復更知乃至修道已
不復更修是爲無生智解脫知見衆二者佛知是人
入空門得解脫是人無相門得解脫是人無作門得
解脫是人無方便可令解脫是人久久可得解脫是
人不可得解脫是人卽時得解脫是人輒語得解
脫是人苦教得解脫是人襍語得解脫是人見神通
力得解脫是人說法得解脫是人婬欲多爲增婬欲
得解脫是人瞋恚多爲增瞋恚得解脫如難陀優樓

頻驃龍是如是等種種因緣得解脫如法眼中說於
是諸解脫中了了知見是名解脫知見衆具足復次
念佛一切智一切見大慈大悲十力四無所畏四無
礙智十八不共法等念如佛所知無量不可思議諸
功德是名念佛是念在七地中或有漏或無漏有漏
者有報無漏者無報三根相應樂喜捨根行得亦果
報得行者如此間國中學念佛三昧果報得者如無
量壽佛國人生便自然能念佛如是等如阿毗曇中
廣分別

大智度論卷第二十一

7 8 9 10 11 12 13 14 15 16 17 18 19 20 12 3 4 5 6 7 8 9 30 1 2 3 4 5 6 7 8 9 30 1 2 3 4 5

音釋

噉

徒濫切
食也

珂

苦何切
白如雪者

舉

羊怒切
兩手對舉也

捍格

侯捍格

搘

肝切
格下革切

痳

依倨切
氣血積瘀也

剗

胡剗空

切剖

切也

掣

昌列切
挽也

臤

徐刃切
爪持也

燼

火餘切
火餘也

涎

夕連切
口液也

暖

火連切
火連也

卽葉

切目
毛也

析

先擊切
分割也

歛

所力切
小怖也

鞬

駢迷切
切

憲

步拜切
切

賞

步拜切
切

世

音冤
奴亥切

羣

五臺山妙德庵識

宗人

府掌府事駙馬都尉定興許從成施貴刻此

大智度論

第二十一卷嘉禾釋道梅刻

徐普書

金陵沈一科刻

萬曆辛卯冬五臺山妙德庵識

大智度論卷第二十二

龍樹菩薩造

姚秦三藏法師鳩摩羅什譯

釋初品中八念之餘

念法者如佛演說行者應念是法巧出得今世界無
熱惱不待時能到善處通達無礙巧出者二諦不相
違故所謂世諦第一義諦智者不能壞愚者不起諍
故是法亦離二邊所謂若受五欲樂若受苦行復離
二邊若常若斷若我若無我若有若無如是等二邊
不著是名巧出諸外道輩自貴其法毀賤他法故不

論

能巧出得今世果者離愛因緣世間種種苦離邪見
因緣種種論議鬪諍身心得安樂如佛說

持戒者安樂 身心不熱惱 臥安覺亦安
名聲亦遠聞

復次此佛法中因緣展轉生果所謂持戒清淨故心
不悔心不悔故生法歡喜法歡喜故身心快樂身心
快樂故能攝心攝心故如實知如實知故得厭得厭
故離欲離欲故得解脫得解脫果報得涅槃是名得
今世果外道法空行苦無所得如閻浮阿羅漢得道
時自說

我答作外道 五十有五年 但食乾牛屎

裸形臥棘上

我受如是辛苦竟無所得不如今得見佛聞法出家
三月所作事辦得阿羅漢以是故知佛法得今世果
問曰若佛法得今世果何以故佛諸弟子有無所得
者答曰行者能如佛所說次第修行無不得報如病
人隨良醫敎將和治法病無不差若不隨佛教不次
第行破戒亂心故無所得非法不良也復次諸未得
道者今世雖不得涅槃後世得受福樂漸次當得涅
槃終不虛也如佛所說其有出家爲涅槃者若違若

疾皆當得涅槃如是等能得今世果無熱惱者熱惱有二種身惱心惱身惱者繫縛牢獄考掠刑戮等心惱者姪欲瞋恚慳貪嫉妬因緣故生憂愁怖畏等此佛法中持戒清淨故身無是繫縛牢獄考掠刑戮等惱心離五欲除五蓋得實道故無是姪欲瞋恚慳嫉妬邪疑等惱無惱故無熱復次無漏禪定生喜樂偏身受故諸熱則除譬如人大熱悶得入清涼池中冷然清了無復熱惱復次諸煩惱若屬見若屬愛是名熱佛法中無此故名無熱惱不待時者佛法不待時而行亦不待時與果外道法日未出時受法日出時不受法或有日出時受日未出不受有晝受夜不受有夜受晝不受佛法中無受待時隨修八聖道時便得涅槃譬如火得薪便然無漏智慧生時便能燒諸煩惱不待時也問曰如佛說有時藥時衣時食若人善根未熟待時當得何以言無時答曰此時者隨世俗法爲佛法久住故結時戒若爲修道得涅槃及諸禪定智慧微妙灑不待時也諸外道法皆待時節佛法但待因緣具足若雖持戒禪定而智慧未成就不能成道若持戒禪定智慧皆成就便得果不復待時復次久久得果名爲時卽時得不名時譬如好染

一入便成心淨人亦如是聞法卽染得法眼淨是名
不待時能到善處者是三十七無漏道法能將人到
涅槃譬如入恒河必得至大海諸餘外道法非一切
智人所說邪見襍故將至惡處或將至天上還墮受
苦皆無常故不名善處問曰無有將去者云何得將
至善處答曰雖無將去者但諸法能將諸法去無漏
善五衆斷五衆中彊名衆生將去入涅槃如風吹塵
如水漂艸雖無將去者而可有去復次因緣和合無
有作亦無有將去者而果報屬因緣不得自在是卽
名爲去通達無礙者得佛法印故通達無礙如得王
印則無所留難問曰何等是佛法印答曰佛法印有
三種一者一切有爲法念念生滅皆無常二者一切
法無我三者寂滅涅槃行者知三界皆是有爲生滅
作法先有今無今有後無念念生滅相續相似生故
可得見知如流水燈炎長風相似相續故人以爲一
衆生於無常法中常顛倒故謂去者常住是名一切
作法無常印一切法無我諸法內無主無作者無知
無見無生者無造業者一切法皆屬因緣屬因緣故
不自在不自在故無我我相不可得故如破我品中
說是名無我印問曰何以故但作法無常一切法無

我答曰不作法無因無緣故不生不滅不生不滅故
不名爲無常復次不作法中不生心著顛倒以是故
不說是無常可說言無我有人說神是常徧知相以
是故說一切法中無我寂滅者是涅槃三毒三衰火
滅故名爲寂滅印問曰寂滅印中何以但一法不多
說答曰初印中說五衆二印中說一切法皆無我第
三印中說二印果是名寂滅印一切作法無常則破
我所外五欲等若說無我破內我法我我所破故是
名寂滅涅槃行者觀作法無常便生厭世苦既知厭
苦存著觀主謂能作是觀以是故有第二法印知一
切無我於五衆十二入十八界十二因緣中內外分
別推求觀主不可得不可得故是一切法無我作如
是知已不作戲論無所依止但歸於滅以是故說寂
滅涅槃印問曰摩訶衍中說諸法不生不滅一相所
謂無相此中云何說一切有爲作法無常名爲法印
二法云何不相違答曰觀無常即是觀空因緣如觀
色念念無常卽知爲空過去色滅壞不可見故無色
相未來色不生無作無用不可見故無色相現在色
亦無住不可見不可分別知故無色相無色相卽是
空空卽是無生無滅無生無滅及生滅其實是一說

有廣略問曰過去未來色不可見故無色相現在色
住時可見云何言無色相答曰現在色亦無住時如
四念處中說若法後見壞相當知初生時壞相以隨
逐微細故不識如人著屐若初日新而無有故後應
常新不應有故若無故應是常常故無罪無福無罪
無福故則道俗法亂復次生滅相當隨作法無有住
時若有住時則無生滅以是故現在色無有住住中
亦有生滅是一念中住亦是有爲法故是名通達無
礙如是應念法復次法有二種一者佛所演說三藏
十二部八萬四千法聚二者佛所說法義所謂持戒
禪定智慧八聖道及解脫果涅槃等行者先當念佛
所演說次當念法義念佛所演說者佛語美妙皆真
實有大饒益佛所演說亦深亦淺觀實相故深巧說
故淺重語無失各各有義故佛所演說住四處有四
種功德莊嚴一慧處二諦處三捨處四滅處有四種
答故不可壞一定答二解答三反問答四置答佛所
演說或時聽而遮或時遮而聽或聽而不遮或遮而
不聽此四皆順從無違佛說得諸法相故無戲論有
義理說故破有無論佛演說隨順第一義雖說世間
法亦無咎與二諦不相違故隨順利益說於清淨人

中爲美妙於不淨人中爲苦惡於美語苦語中亦無過罪佛語皆隨善法亦不著善法雖是垢法怨家亦不以爲高雖種種有所訶亦無有訶罪雖種種讚法亦無所依止佛言說中亦無增無減或略或廣佛語初善久久研求亦善佛語雖多義味不薄雖種種襍語義亦不亂雖能引人心亦不令人生愛著雖殊異高顯亦不令人畏難雖徧有所到凡小人亦不能解佛語如是有種種希有事能令人衣毛爲豎流汗氣滿身體戰懼亦能令諸天心厭聲滿十方六種震地亦能令人於無始世界所堅著者能令捨所不堅著者能令樂佛語罪惡人聞之自有罪故憂怖契惱善一心精進入道人聞如服甘露味初亦好中亦好後亦好復次多會衆中各各欲有所聞佛以一言答各各得解各自見佛獨爲我說於大衆中雖有遠近聞者聲無增減滿三千大千世界乃至十方無量世界應度者聞不應度者不聞譬如雷霆震地聲者不聞聰者得悟如是種種念佛言語何等是法義信戒捨聞定慧等爲道諸善法及三法印如通達中說一切有爲法無常一切法無我寂滅涅槃是名佛法義是三印一切論議師所不能壞雖種種多有所說亦

無能轉諸法性者如冷相無能轉令熱諸法性不可壞假使人能傷虛空是諸法印如法不可壞聖人知是三種法相於一切依止邪見各鬪諍處得離譬如有目人見羣盲諍種種色相愍而笑之不與共諍問曰佛說聲聞灋有四種實摩訶衍中有一實今何以說三寶答曰佛說三種實法印廣說則四種略說則一種無常卽是苦諦集諦道諦說無我則一切法說寂滅涅槃卽是盡諦復次有爲法無常念念生滅故皆屬因緣無有自在故無我無常無我無相故心不著無相不著故卽是寂滅涅槃以是故摩訶衍法中雖說一切法不生不滅一相所謂無相無相卽寂滅涅槃是念法三昧緣智緣盡諸菩薩及辟支佛功德問曰何以故念佛但緣佛身中無學諸功德念僧三昧緣佛弟子身中諸學無學法餘殘善無漏法皆念法三昧所緣答曰迦旃延尼子如是說摩訶衍人說三世十方諸佛及諸佛從初發意乃至法盡於其中間所作功德神力皆是念佛三昧所緣如佛所說及所說法義從一句一偈乃至八萬四千法衆信戒捨聞定智慧等諸善法乃至無餘涅槃皆是念法三昧所緣諸菩薩辟支佛及聲聞衆除佛餘殘

一切聖衆及諸功德是念僧三昧所緣念僧者是佛弟子衆戒衆具足禪定衆智慧衆解脫衆解脫知見衆具足四雙八輩應受供養恭敬禮事是世間無上福田行者應念如佛所讚僧若聲聞僧若辟支佛僧若菩薩僧功德是聖僧五衆具足如上說問曰先以五衆讚佛云何復以五衆讚僧答曰隨弟子所得五衆而讚具足具足有二種一者實具足二者名具足如弟子所可應得者盡得而讚是名具足如佛所得而讚是實具足復次爲欲異於外道出家衆在家衆故作如是讚外道在家衆讚其富貴豪尊勢力出家衆讚其邪見苦行染著智慧執論諍競念僧衆中或有持戒禪定智慧等少不足稱以是故佛自讚弟子衆一切功德根本住處戒衆具足乃至解脫知見衆具足住是戒衆中不傾動引禪定弓放智慧箭破諸煩惱賊得解脫於是解脫中生知見譬如健人先安足挽弓放箭能破怨敵得出二怖免罪於王拔難於陣決了知見賊已破滅心生歡喜是故以五衆讚應供養者五衆功德具足故如富貴豪勢之人人所宗敬佛弟子衆亦如是有淨戒禪定智慧財富解脫解脫知見勢力故應供養恭敬合掌禮事世間無上福

田者施主有二種貧者富者貧者禮事恭敬迎送而
得果報富者亦能恭敬禮事迎送又以財物供養而
得果報是故名爲世間無上福田譬如良田耕治調
柔以時下種溉灌豐渥所獲必多衆僧福田亦復如
是以智慧犁耕出結使根以四無量心磨治調柔諸
檀越下信施穀子溉以念施恭敬清淨心水若今世
若後世得無量世間樂及得三乘果如薄拘羅比丘
鞞婆尸佛時以一訶黎勒果供養衆僧九十一劫天
上人中受福樂果常無疾病今值釋迦牟尼佛出家
漏盡得阿羅漢如沙門二十億耳鞞婆尸佛時作一
房舍以物覆地供養衆僧九十一劫天上人中受福
樂果足不蹈地生時足下毛長二寸柔軟淨好父兄
歡喜與二十億兩金見佛聞法得阿羅漢於諸弟子
中精進第一如是等少施得大果報是故名世間無上
福田僧中有四雙八輩者佛所以說世間無上福
田以有此八輩聖人故名無上福田問曰如佛告給
孤獨居士世間福田應供養者有二種若學人若無
學人學人十八無學人有九今此中何以故但說八
答曰彼廣說故十八及九今此略說故八彼二十七
聖人此八皆攝信行法行或向須陀洹攝或向斯陀

78910123456789201234567893012345678930

含攝或向阿那含攝家家向斯陀含攝一種向阿那含攝五阿那含向阿羅漢攝信行法行入思惟道名信解脫見得是信解脫見得十五學人攝九種福田阿羅漢攝復次行者應念僧僧是我趣涅槃之真伴一戒一見如是應歡喜一心恭敬順從無違我先伴種種衆惡妻子奴婢人民等是入三惡道伴今得聖人伴安隱至涅槃佛如醫王法如良藥僧如瞻病人我當得清淨持戒正憶念如佛所說法藥我當順從僧是我斷諸結病中一因緣所謂瞻病人是故當念僧復次僧有無量戒禪定智慧等具足其德不可測量如一富貴長者信樂僧白僧執事人我次第請僧於舍食日日次請乃至沙彌執事不聽沙彌受請諸沙彌言以何意故不聽沙彌答言以檀越不喜請年少故便說偈言

鬚髮白如雪 齒落皮肉皺 儂步形體羸
樂請如是輩

諸沙彌等皆是大阿羅漢如打師子頭欵然從座起而說偈言

檀越無智人 見形不取德 捨是少年相
但取老瘦黑

上尊耆年之相者如佛說偈

所謂長老相 不必以年耆

形瘦鬚髮白

空老內無德 能捨罪福果

精進行梵行

已離一切法 是名爲長老

是時諸沙彌復作是念我等不應坐觀此檀越品量僧好惡卽復說偈

讚歎呵罵中 我等心雖一 是人毀佛法

不應不教誨 當疾到其舍 以法教語之

我等不度者 是則爲棄物

卽時諸沙彌自變其身皆成老年鬢髮白如雪秀眉

垂覆眼皮皺如波浪其脊曲如弓兩手負杖行次第而受請舉身皆振掉行止不自安譬如白楊樹隨風而動搖檀越見此輩歡喜迎入坐坐已須臾頃還復年少形檀越驚怖言

如是耆老相 還變成少身 如服還年藥
是事何由然

諸沙彌言汝莫生疑畏我等非非人汝欲平量僧是事甚可傷我等相憐愍故現如是化汝當深識之聖衆不可量如說

譬如以蚊觜 猶可測海底 一切天與人

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

無能量僧者 僧以功德貴 猶尚不分別
而汝以年歲 稱量諸大德 大小生於智
不在於老少 有智勤精進 雖少而是老
懈怠無智慧 雖老而是少

汝今平量僧是則爲大失如欲以一指測知大海底
爲智者之所笑汝不聞佛說四事雖小而不可輕太
子雖小當爲國王是不可輕她子雖小毒能殺人亦
不可輕小火雖微能燒山野又不可輕也沙彌雖小
得聖神通最不可輕又有四種人如菴羅果生而似
熟熟而似生生而似生熟而似熟佛弟子亦如是有
聖功德成就而威儀語言不似善人有威儀語言似
善人而聖功德不成就有威儀語言不似善人聖功
德未成就有威儀語言似如善人而聖功德成就汝
云何不念是言而欲稱量於僧汝若欲毀僧則爲是
自毀汝爲大失已過事不可追方來善心除去諸疑
悔聽我所說偈

聖衆不可量 難以威儀知 不可以族姓
亦不以多聞 亦不以威德 又不以耆年
亦不以嚴容 復不以辯言 聖衆大海水
功德故甚深

佛以百事讚是僧 施之雖少得果多
是第三寶聲遠聞 以是故應供養僧
不應分別是老少 多知少聞及明闇
如人觀林不分別 伊蘭瞻葛及薩羅
汝欲念僧當如是 不應以愚分別聖
摩訶迦葉出家時 納衣價直十萬金
欲作乞人下賤服 更求麤弊不能得
聖衆僧中亦如是 求索最下小福田
能殺施者十萬倍 更求不如不可得
衆僧大海中 結戒爲畔際 若有破戒者
終不在僧數 譬如大海水 不共死尸窟
檀越聞是事見是神通力身驚毛豎合手白諸沙彌
言諸聖人我今懺悔我是凡夫人心常懷罪我有少
疑今欲請問而說偈言

大德已過疑 我今得遭遇 若復不諮詢
則是愚中愚

諸沙彌言汝欲問者便問我當以所聞答檀越問言
於佛寶中信心清淨於僧寶中信心清淨何者福勝
答言我等初不見僧寶佛寶有增減何以故佛一時
舍婆提乞食有婆羅門姓婆羅埵逝佛數數到其家

乞食心作是念是沙門何以來數數如負其債佛時說偈

時雨數數墮 五穀數數成 數數修福業
數數受果報 數數受生法 故受數數歟

聖法數數成 誰數數生歟

婆羅門聞是偈已作是念佛大聖人具知我心慚愧取鉢入舍盛滿美食以奉上佛佛不受作是言我爲說偈故得此食我不食也婆羅門言是食當與誰佛言我不見天及人能消是食者汝持去置少艸地著無蟲水中卽如佛教持食著無蟲水中水卽大沸煙火俱出如投大熱鐵婆羅門見已驚怖言未曾有也乃至食中神力如是還到佛所頭面禮佛足懺悔乞出家受戒佛言善來卽時鬚髮自墮便成沙門漸漸斷結得阿羅漢道復有摩訶僧行曇彌以金色上下衣寶奉佛佛知衆僧堪能受用告曇彌以此上下衣與衆僧以是故知佛寶僧寶福無多少檀越言若爲佛布施僧能消能受何以故婆羅埵逝婆羅門食佛不殺令僧食諸沙彌答爲顯僧大力故若不見食在水中有大神力者無以知僧力爲大若爲佛施物而僧得受便知僧力爲大譬如藥師欲試毒藥先以與

雞雞卽時歟然後自服乃知藥之威力爲大是故檀
越當知

若人愛敬佛亦當愛敬僧不當有分別
同皆爲寶故

爾時檀越聞說是事歡喜言我某甲從今日若有入
僧數中若小若大一心信敬不敢分別諸沙彌言汝
心信敬於無上福田不久當得道何以故

多聞及持戒智慧禪定者皆入僧數中
如萬川歸海譬如衆藥艸依止於雪山

百穀諸艸木皆依止於地一切諸善人

皆在僧數中

復次汝等曾聞佛爲長鬼神將軍讚三善男子阿泥
盧陀難提迦翅彌羅不佛言若一切世間天及人一
心念三善男子長夜得無量利益以是事故倍當信
敬僧是三人不名僧佛說念三人有如是果報何況
一心清淨念僧是故檀越當住力念僧僧名如說偈
是諸聖人衆則爲雄猛軍摧滅魔王賊
是伴至涅槃

諸沙彌爲檀越種種說僧聖功德檀越聞已舉家大
小皆見四諦得須陀洹道以是因緣故應當一心念

僧念戒者戒有二種有漏戒無漏戒有漏復有二種
一者律儀戒二者定共戒行者初學念是三種戒學
三種已但念無漏戒是律儀戒能令諸惡不得自在
枯朽折減禪定戒能遮諸煩惱何以故得內樂故不
求世間樂無漏戒能拔諸惡煩惱根本問曰云何念
戒答曰如先說念僧中佛如醫王法如良藥僧如瞎
病人戒如服藥禁忌行者自念我若不隨禁忌三寶
於我爲無所益又如導師指示好道行者不用導師
無咎以是故我應念戒復次是戒一切善法之所住
處譬如百穀藥木依地而生持戒清淨能生長諸深
禪定實相智慧亦是出家人之初門一切出家人之
所依仗到涅槃之初因緣如說持戒故心不悔乃至
得解脫涅槃行者念清淨戒不缺戒不破戒不穿戒
不襍戒自在戒不著戒智者所讚戒無諸瑕隙名爲
清淨戒云何名不缺戒五衆戒中除四重戒犯諸餘
重者是名缺犯餘罪是爲破復次身罪名缺口罪名
破復次大罪名缺小罪名破善心迴向涅槃不令結
使種種惡覺觀得入是名不穿爲涅槃爲世間向二
處是名爲襍隨戒不隨外緣如自在人無所繫屬持
是淨戒不爲愛等所拘是爲自在戒於戒不生愛慢

等諸結使知戒實相亦不取是戒若取是戒譬如人在囹圄桎梏所拘雖得蒙赦而復爲金鎖所繫人爲恩愛煩惱所繫如在牢獄雖得出家愛著禁戒如著金鎖行者若知戒是無漏因緣而不生著是則解脫無所繫縛是名不著戒諸佛菩薩辟支佛及聲聞所讚戒若行是戒用是戒是名智所讚戒外道戒者牛戒鹿戒狗戒羅刹鬼戒啞戒聾戒如是等戒智所不讚唐苦無善報復次智所讚者於三種戒中無漏戒不破不壞依此戒得實智慧是聖所讚戒無漏戒有三種如佛說正語正業正命是三業義如八聖道中說是中應廣說問曰若持戒是禪定因緣禪定是智慧因緣八聖道中何以慧在前戒在中定在後答曰行路之法應先以眼見道而後行行時當精勤精勤行時常念如尊師所教念已一心進路不順非道正見亦如是先以正智慧觀五受衆皆苦是名苦苦從愛等諸結使和合生是名集愛等結使滅是名涅槃如是等觀八分名爲道是名正見行者是時心定知世間虛妄可捨涅槃實法可取決定是事是名正見知見是事心力未大未能發行思惟籌量發動正見令得力是名正思惟智慧既發欲以言宣故次正語

正業正命戒行時精進不懈不令住色無色定中是
名正方便用是正見觀四諦常念不忘念一切煩惱
是賊應當捨正見等是我真伴應當隨是名正念於
四諦中攝心不散不令向色無色定中一心向涅槃
是名正定是初得善有漏名爲煩法頂法忍法中義
次第增進初中後心入無漏心中疾一心中具無有
前後分別次第正見相應正思惟正方便正念正定
三種戒隨是五分行正見分別好醜利益爲事正思
惟發動正見爲事正語等持是智慧諸功德不令散
失正方便驅策令速進不息正念七事所應行者憶
而不忘正定令心清淨不濁不亂令正見七分得成
如無風房中燈則光明了了如是無漏戒在八聖道
中亦爲智者所讚問曰無漏戒應爲智者所讚有漏
戒何以讚答曰有漏戒似無漏隨無漏同行因緣是
故智者合讚如賊中有人叛來歸我彼雖是賊今來
向我我當由之可以破賊何可不念諸煩惱賊在三
界城中住有漏戒善根若煩法頂法忍法世間第一
法與餘有漏法異故行者受用以是因緣故破諸結
使賊得苦法忍無漏法財以是故智者所讚是名念
戒念捨者有二種捨一者施捨二者捨諸煩惱施捨

有二種一者財施二者法施三種捨和合名爲捨財
施是一切善法根本故行者作是念上四念因緣故
得差煩惱病今以何因緣故得是四念則是先世今
世於三寶中少有布施因緣故所以者何衆生於無
始世界中不知於三寶中布施故福皆盡滅是三寶
有無量法是故施亦不盡必得涅槃復次過去諸佛
初發心時皆以少多布施爲因緣如佛說是布施是
初助道因緣復次人命無常財物如電若人不乞猶
尚應與何況乞而不施以是應施作助道因緣復次
財物是種種煩惱罪業因緣若持戒禪定智慧種種
善法是涅槃因緣以是故財物常應自棄何況好福
田中而不布施譬如兄第二人各擔十斤金行道
中更無餘伴兄作是念我何以不殺弟取金此曠路
中人無知者弟復生念欲殺兄取金兄弟各有惡心
語言視占皆異兄弟卽自悟還生悔心我等非人與
禽獸何異同生兄弟而爲少金故而生惡心兄弟共
至溪水邊兄以金投著水中弟言善哉善哉弟尋復
棄金水中兄復言善哉善哉兄弟更互相問何以言
善哉各答言我以此金故生不善心欲相危害今得
棄之故言善哉二辭各爾以是故知財爲惡心因緣

常應自捨何況施得大福而不布施如說偈

施爲行寶藏 亦爲善親友 始終相利益

無有能壞者 施爲好密蓋 能遮饑渴雨

施爲堅牢船 能度貧窮海 慳爲凶衰相

爲之生憂畏 洗之以施水 則爲生福利

慳惜不衣食 終身無歡樂 雖云有財物

與貧困無異 慳人之室宅 譬如丘冢墓

求者遠避之 終無有向者 如是慳貪人

智者所擯棄 命氣雖未盡 與眾等無異

慳人無福慧 於施無堅要 臨當墮火坑

戀憎生懊恨 淚泣當獨去 憂悔火燒身

好施者安樂 終無有是苦 人修布施者

名聞滿十方 智者所愛敬 入衆無所畏

命終生天上 久必得涅槃

如是等種種訶慳貪讚布施是名念財施云何念法
施行者作是念法施利益甚大法施因緣故一切佛
弟子等得道復次佛說二種施中法施爲第一何以
故財施果報有量法施果報無量財施欲界報法施
三界報亦出三界報若不求名聞財利力勢但爲學
佛道弘大慈悲心度衆生生老病死苦是名清淨法

施若不爾者爲如市易法復次財施施多財物減少
法施施多法更增益財施是無量世中舊法法施聖
法初來難得名爲新法財施但能救諸饑渴寒熱等
病法施能除九十八諸煩惱等病如是等種種因緣
分別財施法施行者應念法施問曰何等是法施答
曰佛所說十二部經清淨心爲福德與他說是名法
施復有以神通力令人得道亦名法施如網明菩薩
經中說有人見佛光明得道者生天者如是等雖口
不說令他得法故亦名法施是法施應觀衆生心性
煩惱多少智慧利鈍應隨所利益而爲說法譬如隨
病服藥則有益有姪欲重有瞋恚重有愚癡重有兩
兩襍三三襍姪重者爲說不淨觀瞋重者爲說慈心
癡重者爲說深因緣兩襍者說兩觀三襍者說三觀
若人不知病相鎗投藥者病則爲增若著衆生相者
爲說但有五衆此中無我若言無衆生相者卽爲說
五衆相續有不令墮斷滅故求富樂者爲說布施欲
生天者爲說持戒人中多所貧乏者爲說天上事惱
患居家者爲說出家法著錢財居家者爲說在家五
戒法若不樂世間爲說三法印無常無我涅槃依隨
經法自演作義理譬喻莊嚴法施爲衆生說如是等

種種利益故當念法施捨煩惱者三結乃至九十八
使等皆斷除卻是名爲捨念捨是法如捨毒蛇如捨
桎梏得安隱歡喜復次念捨煩惱亦入念法中問曰
若入念法中今何以更說答曰捨諸煩惱是法微妙
難得無上無量是故更別說復次念法與念捨異念
法念佛法微妙諸法中第一念捨念諸煩惱罪惡捨
之爲快行相別是爲異如是等種種因緣行者當念
捨念捨者是初學禪智中畏生增上慢念天者有四
天王天乃至他化自在天問曰佛弟子應一心念佛
及佛法何以念天答曰知布施業因緣果報故受天
上富樂以是因緣故念天復次是八念佛自說因緣
念天者應作是念有四天王天是天五善法因緣故
生彼中信罪福受持戒聞善法修布施學智慧我亦
有是五法以是故歡喜言天以是五法故生富樂處
我亦有是我欲生彼亦可得生我以天福無常故不
受乃至他化自在天亦如是問曰三界中清淨天多
何以故但念欲天答曰聲聞法中說念欲界天摩訶
衍中說念一切三界天行者未得道時或心著人間
五欲以是故佛說念天若能斷婬欲則生上二界天
中若不能斷婬欲生六欲天中是中有妙細清淨五

78910123456789201234567893012345678930

欲佛雖不欲令人更生受五欲有衆生不住入涅槃爲是衆生故說念天如國王子在高危處立不可救護欲自投地王使人敷厚綿褥墮則不歟差於墮地故復次有四種天名天生天淨天淨生天名天者如今國王名天子生天者從四天王乃至非有想非無想天淨天者人中生諸聖人淨生天者三界天中生諸聖人所謂須陀洹家家斯陀含一種或於天上得阿那含阿羅漢道淨生天色界中有五種阿那含不還是間卽於彼得阿羅漢無色界中一種阿那含離色界生無色界是中修無漏道得阿羅漢入涅槃念

是二種天生天淨生天如是等天是名念天念天那般那者如禪經中說念歟者有二種歟一者自歎二者他因緣歎是二種歎行者常念是身若他不殺必當自歎如有爲法中不應彈指頃生信不歎心是身一切時中皆有歎不待老不應恃是種種憂惱凶衰身生心望安隱不歎是心癡人所生身中四大各各相害如人持毒蛇篋云何智人以爲安隱若出氣保當還入入息保出睡眠復得還覺是皆難必何以故是身內外多怨故如說

或有胎中歎 或有生時歎 或年壯時歎

或老至時歟 亦如果熟時 種種因緣墮
當求免離此 歎惡之怨賊 是賊難可信
捨時則安隱 假使大智人 威德力無上
無前亦無後 於今無脫者 亦無巧辭謝
無請求得脫 亦無捍格處 可以得免者
亦非持淨戒 精進可以脫 歎賊無憐愍
來時無避處

是故行者不應於無常危脆命中而信望活如佛爲
比丘說歎想義有一比丘偏袒白佛我能修是歎想
佛言汝云何修比丘言我不望過七歲活佛言汝爲
放逸修歎想有比丘言我不望過七月活有比丘言
七日有言六五四三二一日活佛言汝等皆是放逸
修歎想有言從旦至食時有言一食頃佛言汝等亦
是放逸修歎想一比丘偏袒白佛我於出氣不望入
於入氣不望出佛言真是修歎想爲不放逸比丘一
切有爲法念念生滅住時甚少其猶如幻欺誑無智
行者如是等種種因緣念歎想問曰法是三世諸佛
師何以故念佛在前是八念云何有次第答曰是法
雖是十方三世諸佛師佛能演出是法其功大故譬
如雪山中有寶山寶山頂有如意寶珠種種寶物多

有人欲上或有半道還者有近而還者有一大德國
王憐愍衆生爲作大梯人民大小乃至七歲小兒皆
得上山隨意取如意珠等種種寶物佛亦如是世間
諸法實相寶山九十六種異道皆不能得乃至梵天
王求諸法實相亦不能得何況餘人佛以大慈悲憐
愍衆生故具足六波羅蜜得一切智慧方便說十二
部經八萬四千法聚梯阿若橋陳如舍利弗目犍連
摩訶迦葉乃至七歲沙彌蘇摩等皆得諸無漏法根
力覺道實相雖妙一切衆生皆蒙佛恩故得以是故
念佛在前次第念佛次第念僧僧隨佛語能解法故
第三餘人不能解僧能得解以是故稱爲寶人中寶
者是佛九十六種道法中寶者是佛法一切衆中寶
者是僧復次以佛因緣故法出世間以法因緣故有
僧行者念我云何當得法寶得在僧數中當除卻一
切麤細身口惡業是故次第說持戒復次云何分別
有七衆以有戒故欲除心惡破慳貪故念捨欲令受
者得樂故破瞋恚信福得果報故破邪見住持戒布
施法中則爲住十善道中離十不善道十善道有二
種果若上行得淨天中生中行得生天以是故戒施
次第念佛禪定故得二種天滅諸惡覺但集善法

789101234567892012345678930123456789

攝心一處是故念天次第念安那般那念安那般那能滅諸惡覺如雨淹塵見息出入知身危脆由息入出身得存立是故念入出息次第念次復次行者或時恃有七念著此功德懈怠生是時當念次事常在前云何當懈怠著此法愛如阿那律佛滅度時說

有爲法如雲 智者不應信 無常金剛來

破聖主山王

是名八念次第問曰是說聲聞八念菩薩八念有何差別答曰聲聞爲身故菩薩爲一切衆生故聲聞但爲脫老病死故菩薩爲偏具足一切功德故是爲差別復次佛是中亦說告舍利弗菩薩摩訶薩不住法住般若波羅蜜中應具足檀波羅蜜乃至應具足八念不可得故初有不住後有不可得有此二印以是故異不住不可得義如先說

大智度論卷第二十二

音釋

掠離灼切 漂紕招切 研五堅切 挽武綰切 漑古代
灌乙角切 濡濡也 嬾力主切 諮津私切 襖代
也綺載切 濡濡湧也 嬦僊也 欲許勿切 訇訪問也 襖代
與隙同
令圉圉卽丁切 圉圉魚也 桂桎梏之日切 足足械 桂桎梏也 古沃切手

械互

胡誤切

禡

如欲切
袒也

駙馬都尉王昺施賈刻此

大智度論

第二十二卷

嘉禾釋道梅對

長洲

徐晉書

上元李再禱刻

妙德庵識

萬曆辛卯冬五臺山

妙德庵識

知異不卦不可歸義咬夫指

合不酉卦

不主爻吉不可歸吉出二四以泉

卦如未爻泰中觀真風動火鑿鑿八至風其五
大智度論中亦是皆合味象苦觀華嚴不卦去
為頭未識人始苦觀無解具足一財收穫姑張爲善

大智度論卷第二十三

龍樹菩薩造

姚秦三藏法師鳩摩羅什譯

釋初品中十想

經十想無常想苦想無我想食不淨想一切世間不可樂想死想不淨想斷想離欲想盡想

論問曰是一切行法何以故或時名爲智或時名爲念或時名爲想答曰初習善法爲不失故但名念能轉相轉心故名爲想決定知無所疑故名爲智觀一切有爲法無常智慧相應相是名無常想一切有爲

法無常者新新生滅故屬因緣故不增積故復次生時無來處滅亦無去處是故名無常復次二種世間無常故說無常一者衆生無常二者世界無常如說大地艸木皆磨滅須彌巨海亦崩竭諸天住處皆燒盡爾時世界何物常十力世尊身光具智慧明曠亦無量度脫一切諸衆生名聞普偏滿十方今日廓然悉安在如是舍利弗目犍連須菩提等諸聖人轉輪聖王諸國王常樂天王及諸天聖德尊貴皆亦盡大火焰忽然滅世間轉壞如風中燈如險岸樹如漏器盛水不久空竭如是一切衆生及衆生住處皆無常故名爲無常問曰菩薩何以故行是無常想答曰以衆生著常顛倒受衆苦不得免生死行者得是無常想教化衆生言諸法皆無常汝莫著常顛倒失行道時諸佛上妙法所謂四真諦四諦中苦諦爲初苦四行中無常行爲初以是故菩薩行無常想問曰有人見無常事至轉更堅著如國王夫人寶女從地中生爲十頭羅刹將度大海王大憂愁智臣諫言王智力具足夫還在不久何以懷憂答言我所以憂者不慮我

婦叵得但恐壯時易過亦如人好華好果見時欲過
便大生著如是知無常乃更生諸結使云何言無常
能令心猷破諸結使答曰如是見無常是知無常少
分爲不具足與禽獸見無常無異以是故佛告舍利
弗當具足修無常想問曰何等是具足無常想答曰
觀有爲法念念生滅如風吹塵如山上水流如火炎
隨滅一切有爲法無牢無彊不可取不可著爲如幻
化誑惑凡夫因是無常得入空門是空中一切法不
可得故無常亦不可得所以者何一念中生住滅相
不可得生時不得有住滅住時不得有生滅滅時不
得有生住生住滅相性相違故無是無故無常亦無
問曰若無無常佛何以苦諦中說無常答曰凡夫人
生邪見故謂世間是常爲滅除是常見故說無常不
爲無常是實故說復次佛未出世凡夫人但用世俗
道遮諸煩惱今欲拔諸煩惱根本故說是無常復次
諸外道法但以形離五欲謂是解脫佛說邪相因緣
故縛觀無常正相故解脫復有二種觀無常相一者
有餘二者無餘如佛說一切人物滅盡唯有名在是
名有餘若人物滅盡名亦滅是名無餘復有二種觀
無常相一者身死盡滅二者新新生滅復次有言持

戒爲重所以者何依戒因緣故次第得漏盡有言多
聞爲重所以者何依智慧故能有所得有言禪定爲
重如佛所說定能得道有言以十二頭陀爲重所以
者何能淨戒行故如是各各以所行爲貴更不復勤
求涅槃佛言是諸功德皆是趣涅槃分若觀諸法無
常是爲真涅槃道如是等種種因緣故諸法雖空而
說是無常想復次無常想卽是聖道別名佛種種異
名說道或言四念處或言四諦或言無常想如經中
說善修無常想能斷一切欲愛色愛無色愛掉慢無
明盡能除三界結使以是故卽名爲道是無常想或
有漏或無漏正得無常是無漏初學無常是有漏摩
訶衍中諸菩薩心廣大種種教化一切衆生故是無
常想亦有漏亦無漏若無漏在九地若有漏在十一
地緣三界五受衆四根相應除苦根凡夫聖人得如
是等種種因緣說無常功德苦想者行者作是念一
切有爲法無常故苦問曰若有爲法無常故苦者諸
賢聖人有爲法無漏法亦應當苦答曰諸法雖無常
愛著者生苦無所著者無苦問曰有諸聖人雖無所
著亦皆有苦如舍利弗風熱病苦畢陵伽婆蹉眼痛
苦羅婆那跋提音鼓痔病苦云何言無苦答曰有二

種苦一者身苦二者心苦是諸聖人以智慧力故無復憂愁嫉妬瞋恚等心苦已受先世業因緣四大造身有老病饑渴寒熱等身苦於身苦中亦復薄少如人了了知負他債償之不以爲苦若人不憶負債債主彊奪瞋惱生苦問曰苦受是心心數法身如艸木離心則無所覺云何言聖人但受身苦答曰凡夫人受苦時心生愁惱爲瞋使所使心但向五欲如佛所說凡夫人除五欲不知更有出苦法於樂受中貪欲使所使不苦不樂受中無明使所使凡夫人受苦時內受三毒苦外受寒熱鞭杖等如人內熱盛外熱亦盛如經說凡夫人失所愛物身心俱受苦如二箭雙射諸賢聖人無憂愁苦但有身苦更無餘苦復次五識相應苦及外因緣杖楚寒熱等苦是名身苦餘殘名心苦復次我言有爲無漏法不著故非苦聖人身是有漏有漏法則苦有何咎是末後身所受苦亦微少問曰若無常即是苦者道亦是苦云何以苦離苦答曰無常即是苦爲五受衆故說道雖作法故無常不名爲苦所以者何是能滅苦不生諸著與空無我等諸智和合故但是無常而非苦如諸阿羅漢得道時說偈言

我等不貪生 亦復不樂死 一心及智慧

待時至而去

佛取涅槃時阿難等諸未離欲人未善修八聖道故皆涕泣憂愁諸離欲阿那含皆驚愕諸漏盡阿羅漢其心不變但言世間眼滅疾以得道力故雖從佛得大利益知重佛無量功德而不生苦以是故知道雖無常非苦因緣故不名爲苦但五受衆是苦何以故愛著故無常敗壞故如受念處中苦義此中應廣說復次苦者有身常是苦癡覆故不覺如說

騎乘疲極故 求索住立處 住立疲極故

求索坐息處 坐久疲極故 求索安臥處

衆極由作生

初樂後則苦

視珣息出入

屈申坐臥起 行立及去來

此事無不苦

問曰是五受衆爲一切皆苦爲苦想觀故苦若一切皆苦佛云何說有三種受苦受樂受不苦不樂受若以苦想故苦云何說苦諦爲實苦答曰五受衆一切皆苦凡夫人四顛倒因緣爲欲所逼以五欲爲樂如人塗瘡大痛息故以爲樂瘡非樂也佛說三種受爲世間故於實法中非是樂也若五受衆中實有樂何以故佛說滅五受衆名爲樂復次隨其所嗜樂心則

78 910 12345678920 12345678930 12345678930 12345678930

生樂無定也樂若實定不待心著如火實熾不待著而熾也以樂無定故名爲苦復次世間顛倒樂能得今世後世無量苦果報故名爲苦譬如大河水中著少毒不能令水異世間顛倒毒樂於一切大苦水則不現如說

從天下生地獄時 憶本天上歡樂事

宮觀妓女滿目前 園苑浴池以娛志

又見獄火來燒身 似如大火焚竹林

是時雖見天上樂 徒自感結無所益

是苦想攝緣如無常想如是等種種分別苦名爲苦想無我想者苦則是無我所以者何五受衆中盡皆是苦苦想無有自在若無自在是則無我若有我自在者不應令身有苦如所說

諸有無智人 身心計是我 漸近墮著故

不知無常法 是身無作者 亦無有受者

是身爲無主 而作種種事 六情塵因緣

六種識得生 從三事和合 因緣觸法生

從觸法因緣 受念業法生 如珠日艸薪

和合故火生 情塵識和合 所作事業成

相續相似有 如種有芽莖

復次我相不可得故無我一切法有相故則知有如見煙覺契故知有火於五塵中各各別異故知有情種種思惟籌量諸法故知有心心數法此我無相故知無我問曰有出入氣則是我相視珣壽命心苦樂愛憎精勤等是我相若無我誰有是出入息視珣壽命心苦樂愛憎精勤等當知有我在內動發故壽命心亦是我法若無我如牛無御有我故能制心入法不爲放逸若無我者誰制御心受苦樂者是我若無我者爲如樹木則不應別苦樂愛憎精勤亦如是我雖微細不可以五情知因是相故可知爲有答曰是諸相皆是識相有識則有入出息視珣壽命等若識離身則無汝等我常徧故外人亦應有視珣入出息壽命等復次出入息等是色法隨心風力故動發此是識相非我相壽命是心不相應行亦是識相問曰若入無心定中或睡無夢時息亦出入有壽命何以故言皆是識相答曰無心定等識雖暫無不久必還生識不捨身故有識時多無識時少是故名識相如人出行不得言其家無主苦樂憎愛精勤等是心相應共緣隨心行心有故便有心無故便無以是故是識相非我相復次若有我者我有二種若常若無常

如說

若我是常

則無後身

常不生故

亦無解脫

亦無忘無作

以是故當知

無作罪福者

亦無有受者

捨我及我所

然後得涅槃

若實有我者

不應捨我心

若我無常者

則應隨身滅

如大岸墮水

亦無有罪福

如是我及知者不知者作者不作者如檀波羅蜜中說不得是我相故知一切法中無我若知一切法中無我則不應生我心若無我亦無我所心我我所離

故則無有縛若無縛則是涅槃是故行者應行無我想問曰是無常苦無我爲一事爲三事若是一事不應說三若三事佛何以故說無常即是苦苦即是無我答曰是一事所謂受有漏法觀門分別故有三種異無常行相應是無常想苦行相應是苦想無我行相應是無我想無常不令人三界苦令知三界罪過無我則捨世間復次無常生厭心苦生畏怖無我拔出令解脫無常者佛說五受衆是無常苦者佛說無常則是苦無我者佛說苦即是無我無常者佛示五受衆盡滅相苦者佛示如箭入心無我者佛示捨離

相無常者示斷愛苦者示斷我習慢無我者示斷邪
見無常者遮常見苦者遮今世涅槃樂見無我者遮
著處無常者世間所可著常法是苦者世間計樂處
是無我者世間所可計我牢固者是是爲三想分別
相無我想緣攝種種如苦想中說食飲想者觀是食
從不淨因緣生如肉從精血水道生是爲膿蟲住處
如酥乳酪血變所成與爛膿無異廚人汗垢種種不
淨若著口中腦有爛涎二道流下與唾和合然後成
味其狀如吐從腹門入地持水爛風動火煮如釜熟
糜淳濁下沈清者在上譬如釀酒滓濁爲屎清者爲
屎穂有三孔風吹膩汁散入百脈與先血和合凝變
爲肉從新肉生脂骨髓從是中生身根從新舊肉合
生五情根從此五根生五識五識次第生意識分別
取相籌量好醜然後生我我所心生等諸煩惱及諸
罪業觀食如是本末因緣種種不淨知內四大與外
四大無異但以我見故彊爲我有復次思惟此食墾
植耘除收穫蹂治春磨淘汰炊煮乃成用功甚重計
一鉢之飯作夫流汗集含量之食少汗多此食作之
功重辛苦如是入口食之卽成不淨無所一直宿答
之間變爲屎尿本是美味人之所嗜變成不淨惡不

欲見行者自思如此弊食我若貪著當墮地獄噉燒
鐵丸從地獄出當作畜生牛羊駱駝償其宿債或作
猪狗常噉糞除如是觀食則生獸想因食獸故於五
欲皆獸譬如一婆羅門修淨潔法有事緣故到不淨
國自思我當云何得免此不淨唯當乾食可得清淨
見一老母賣白髓餅而語之言我有因緣住此百日
常作此餅送來當多與價老母日日作餅送之婆羅
門貪著飽食歡喜老母作餅初時白淨後轉無色無
味卽問老母何緣爾邪母言癰瘡差故婆羅門問此
言何謂母言我大家夫人隱處生癰以麪酥甘艸拊
之癰熟膿出和合酥餅日日如是以此作餅與汝是以
餅好今夫人癰差我當何處更得婆羅門聞之兩
拳打頭搥脣乾嘔我當云何破此淨法我爲了矣棄
捨緣事馳還本國行者亦如是著是飲食歡喜樂噉
見其好色細滑香美可口不觀不淨後受苦報悔將
何及若能觀食本末如是生惡獸心因離食欲四欲
皆捨於欲界中樂悉皆捨離斷此五欲於五下分結
亦斷如是等種種因緣惡罪不復樂著是名食獸想
問曰無常苦無我想與無漏智慧相應食獸等四想
與有漏智慧相應次第法應在前今何以後說答曰

佛法有二種道見道修道見道中用是三想破諸邪
見等得聖果猶未離欲爲離欲故三想次第說是食
獸等四想得離婬欲等諸煩惱初三想示見諦道中
四想爲示學修道後三想示無學道初習身念處中
雖有食獸想功用少故佛不說今爲須陀洹斯陀含
度欲故無我想次第食獸等四想一切世間不可樂
想者若念世間色欲滋味車乘服飾廬觀園宅種種
樂事則生樂想若念世間衆惡罪事則心生獸想何
等惡事惡事有二種一者衆生二者土地衆生有八
苦之患生老病死恩愛別離怨憎同處所求不得略
而言之五受衆苦衆生之罪婬欲多故不好醜不
隨父母師長教誨無有慚愧與禽獸無異瞋恚多故
不別輕重瞋毒狂發乃至不受佛語不欲聞法不畏
惡道杖楚橫加不知他苦入大闇中都無所見愚癡
多故所求不以道不識事緣如華角求乳無明覆故
雖蒙日喫乳無所見慳貪多故其舍如冢人不向之
憍慢多故不敬賢聖不孝父母憍逸自壞乳無所直
邪見多故不信今世後世不信罪福不可共處如是
等諸煩惱多故弊敗爲無所直惡業多故造無間罪
或殺父母或傷害賢聖或要時榮貴讐賊忠貞殘害

親戚復次世間衆生善好者少弊惡者多或時雖有
善行貧賤鄙陋或雖富貴端正而所行不善或雖好
布施而貧乏無財或雖富有財寶而慳惜貪著不肯
接物或見好下接物恩惠普潤便謂欺誑詭飾或見
能語善論便謂恃是小智以爲憍慢或見質直好人
便共欺誑調指引凌易或見善心柔軟便共輕陵
蹋蹴不以理遇若見持戒清淨者便謂所行矯異輕
賤不數如是等衆生弊惡無一可樂土地惡者一切
土地多衰無吉寒熱飢渴疾病惡疫毒氣侵害老病
死畏無處不有身所去處衆苦隨之無處得免雖有
好國豐樂安隱多爲諸煩惱所惱則不名樂土一切
皆有二種苦身苦心苦無國不有如說

有國土多寒 或有國多熱 有國無救護

或有國多惡 有國常飢餓 或有國多病

有國不修福 如是無樂處

衆生土地有如是惡思惟世間無一可樂欲界惡事
如是上二界死時退時大生懊惱甚於下界譬如極
高處墮摧碎爛壞問曰無常想苦想無我想一切世
間不可樂想有何等異而別說答曰有二種觀總觀

別觀前爲總觀此中別觀復有二種觀法觀衆生觀
前爲呵一切法觀此中觀衆生罪惡不同復次前者
無漏道此中有漏道前見諦道今思惟道如是等種
種差別一切地中攝緣三界法是名一切世間不可
樂想歎想者如歎念中說不淨想者如身念處中說
斷想離想盡想者緣涅槃相斷諸結使故名斷想離
結使故名離想盡諸結使故名盡想問曰若爾者一
想便足何以說三答如前一法三種說無常即是苦
苦即是無我此亦如是一切世間罪惡深重故三種
呵如伐大樹不可以一下斷涅槃微妙法答所未得
是故種種讚名爲斷想離想盡想復次斷三毒故名
爲斷離愛故名爲離滅一切苦故更不生故名爲盡
復次行者於煩惱頂法忍法世間第一法正智慧觀
遠諸煩惱是名離想得無漏道斷諸結使是名斷想
入涅槃時滅五受衆不復相續是名盡想斷想有餘
涅槃盡想無餘涅槃離想無涅槃方便門是三想有
漏無漏故一切地中攝

釋初品中十一智

經十一智法智比智他心智世智苦智集智滅智道
智盡智無生智如實智

論法智者欲界繫法中無漏智欲界繫因中無漏智
欲界繫法滅中無漏智爲斷欲界繫法道中無漏智
及法智品中無漏智比智者於色無色界中無漏智
亦如是他心智者知欲界色界繫見在他心心數法
及無漏心心數法少分世智者諸有漏智慧苦智者
五受衆無常苦空無我觀時得無漏智集智者有漏
法因因集生緣觀時無漏智滅智者滅止妙出觀時
無漏智道智者道正行逢觀時無漏智盡智者我見
苦已斷集已盡證已修道已如是念時無漏智慧見
明覺無生智者我見苦已不復更見斷集已不復更
斷盡證已不復更證修道已不復更修如是念時無
漏智慧見明覺如實智者一切法總相別相如實正
知無有異礙是法智緣欲界繫法及欲界繫法因欲
界繫法滅爲斷欲界繫法道比智亦如是世智緣一
切法他心智緣他心有漏無漏心心數法苦智集智
緣五受衆滅智緣智緣盡道智緣無漏五衆盡智無
生智俱緣四諦十智者一有漏八無漏一當分別他
心智緣有漏心是有漏緣無漏心是無漏法智攝法
智及他心智苦智集智滅智道智盡智無生智少分
比智亦如是世智攝世智及他心智少分他心智攝

他心智及法智比智世智道智盡智無生智少分苦
智攝苦智及法智比智盡智無生智少分集智減智
亦如是道智攝道智及法智比智他心智盡智無生
智少分盡智攝盡智及法智比智他心智苦智集智
減智道智少分無生智亦如是九智八根相應除慧
根憂根苦根世智十根相應除慧根法智比智苦智
空三昧相應法智比智減智盡智無生智無相三昧
相應法智比智他心智苦智集智道智盡智無生智
無作三昧相應法智比智世智苦智盡智無生智無
常想苦想無我想相應世智中四想相應法智比智
減智盡智無生智後三想相應有人言世智或與離
想相應法智緣九智除比智比智亦如是世智他心
智盡智無生智緣十智苦智集智緣世智及有漏他
心智減智無生智緣道智緣九智除世智法智比智
十六相他心智四相苦集減道各各四相盡智無生
智俱十四相除空相無我相煖法頂法忍法中世智
十六相世間第一法中世智四想除無相

行六聖初入無漏心成就一世智第二心增苦智法智
也舊言十相轉觀相

第四心增比智第六心增集智第十心增滅智第十
四心增道智若離欲者增他心智無學道增盡智得

不壞解脫增無生智初無漏心中不修智第二心中
現在未來修二智第四心中現在修二智未來修三
智第六心中現在未來修二智第八心中現在修二
智未來修三智第十心中現在未來修二智第十二
心中現在修二智未來修三智第十四心中現在未
來修二智第十六心中現在修二智未來修六智若
離欲修七智須陀洹欲離欲界結使十七心中修七
智除他心智盡智無生智第九解脫心中修八智除
盡智無生智信解人轉作見得雙道中修六智除他
心智世智盡智無生智離七地欲時無礙道中修七

智除他心智盡智無生智解脫道中修八智除盡智
無生智離有頂欲時無礙道中修六智除他心智世
智盡智無生智八解脫道中修七智除世智盡智無
生智無學初心第九解脫不時解脫人修十智及一
切有漏無漏善根若時解脫人修九智及一切有漏
無漏善根如是等種種如阿毗曇門廣分別如實智
分別相此般若波羅蜜後品廣說復次有人言法智
者知欲界五衆無常苦空無我知諸法因緣和合生
所謂無明因緣諸行乃至生因緣老死如佛爲須戶
摩梵志說先用法智分別諸法後用涅槃智比智者

知現在五受衆無常苦空無我過去未來及色無色
界中五受衆無常苦空無我亦如是譬如見現在火
熾能燒以此比知過去未來及餘國火亦如是他心
智者知他衆生心心數法問曰若知他心心數法何
以故但名知他心答曰心是主故但名知他心若說
心當知已說心數法世智者名爲假智聖人於實法
中知凡夫人但假名中知以是故名假智如棟梁椽
壁名爲屋但知是事不知實義是名世智苦智者用
苦慧呵五受衆問曰五受衆亦無常亦苦亦空亦無
我何以故但說苦智不說無常空無我智答曰爲苦
諦故說苦智集諦故說集智滅諦故說滅智道諦故
說道智問曰五受衆有種種惡何以但說苦諦不說
無常諦空無我諦答曰若說無常空無我諦亦不壞
法相以衆生多著樂畏苦故佛呵世間一切皆是苦
欲令捨離故無常空無我中衆生不大畏故不說復
次佛法中五受衆有異名名爲苦以是故但說苦是
苦智或有漏或無漏若在煖法頂法忍法世間第一
法是有漏若入見諦道是無漏何以故從煖法至世
間第一法中四種觀苦故集智滅智道智亦如是復
次苦智名知苦相實不生集智名知一切法離無有

和合滅智名知諸法常寂滅如涅槃道智名知一切法常清淨無正無邪盡智名知一切法無所有無生智名知一切生法不實不定故不生如實智者十種智所不能知以如實智故能知十智各各相各緣各各別異各有觀法是如實智中無相無緣無別滅諸觀法亦不有觀十智中有法眼慧眼如實智中唯有佛眼十智阿羅漢辟支佛菩薩共有如實智唯獨佛之所以者何獨佛有不莊法以是故知如實智獨佛有復次是十智入如實智中失本名字唯有二實智譬如十方諸流水皆入大海捨本名字但入大

海知如是等種種分別十一智義此中略說

經三三昧有覺有觀三昧無覺有觀三昧無覺無觀三昧

論一切禪定攝心皆名爲三摩提此言正心行處是心從無始世界來常曲不端得是正心行處心則端直譬如馳行常曲入竹筒中則直是三昧三種欲界未到地初禪與覺觀相應故名有覺有觀禪中間但觀相應故名無覺有觀從第二禪乃至有頂地非覺觀相應故名無覺無觀問曰三昧相應心數法乃至二十何以但說覺觀答曰是覺觀撓亂三昧以是故

說是二事雖善而是三昧賊難可捨離有人言心有
覺觀者無三昧以是故佛說有覺有觀三昧但不牢
固覺觀力小微是時可得有三昧是覺觀能生三昧
亦能壞三昧譬如風能生雨亦能壞雨三種善覺觀
能生初禪得初禪時發大歡喜覺觀故心散還失以
是故但說覺觀問曰覺觀有何差別答曰麤心相名
覺細心相名觀初緣中心發相名覺後分別籌量好
覩名觀有三種麤覺欲覺瞋覺惱覺有三種善覺出
要覺無瞋覺無惱覺有三種細覺親里覺國土覺不
从覺六種覺妨三昧三種善覺能開三昧門若覺觀
過多還失三昧如風能使船風過則壞船如是種種
分別覺觀問曰經說三種法有覺有觀法無覺有觀
法無覺無觀法有覺有觀地無覺有觀地無覺無觀
地今何以但說三種三昧答曰妙而可用者取有覺
有觀法者欲界未到地初禪中覺觀相應法若善若
不善若無記無覺有觀法者禪中間觀相應法若善
若無記無覺無觀法者離覺觀法一切色心不相應
行及無爲法有覺有觀地者欲界未到地梵世無覺
有觀地者禪中間善修是地作大梵王無覺無觀地
者一切光音一切徧淨一切廣果一切無色地於中

上妙者是三昧何等是三昧從空等三三昧乃至金剛及阿羅漢辟支佛諸三昧觀十方佛三昧乃至首楞嚴三昧從斷一切疑三昧乃至三昧王等諸佛三昧如是等種種分別略說三三昧義

經三根未知欲知根知根知已根論未知欲知根者無漏九根和合信行法行人於見諦道中名未知欲知根所謂信等五根喜樂捨根意根信解見得人思惟道中是九根轉名知根無覺道中是九根名知已根問曰何以故於二十二根中但取是三根答曰利解了了自在相是名爲根餘十九根根相不具足故不取是三根利能直入至涅槃諸有爲法中主故得自在能勝諸根復次十根但有漏自得無所利益故九根不定或有漏或無漏故不說菩薩應具足問曰十想亦有漏無漏何以故說應具足答曰十想皆是助道求涅槃法信等五根雖是善法不盡求涅槃如阿毗曇中說誰成就信等根不斷善根者復次若五根清淨變爲無漏三根中已攝是三根中必有意根三受中必有一受以是故但說三根復次二十二根有善有不善有無記襍是故不說應具足是三根受衆行衆識衆攝未知欲知根在六

地知根知已根在九地三根緣四諦六想相應未知
欲知根三根因知根二根因知已根但知已根因未
知欲知根次第生二根知根次第或生有漏根或生
知根或生知已根知已根或生有漏根或生知已根
如是等以阿毗曇門廣分別說復次未知欲知根名
諸法實相未知欲知故生信等五根是五根力故能
得諸法實相如人初入胎中得二根身根命根爾時
如段肉未具諸根未能有所別知五根成就能知五
塵菩薩亦如是初發心欲作佛未具足是五根雖有
願欲知諸法實相不能得知菩薩生是信等五根則
能知諸法實相如眼四大及四大造色和合名爲眼
先雖有四大四大造色未清淨故不名爲眼根不斷善
根人雖有信未清淨故不名爲根若菩薩得是信等
五根是時能信諸法相不生不滅不垢不淨非有非
無非取非捨常寂滅真淨如虛空不可示不可說一
切語言道過出一切心心數法所行如涅槃是則佛
法菩薩以信根力故能受精進根力故勤行不退不
轉念根力故不令不善法入攝諸善法定根力故心
散五欲中能攝實相中慧根力故於佛智慧中少多
得義味不可壞五根所依意根必與受俱若喜若樂

若捨依是根入菩薩位乃至未得無生法忍果是名
未知欲知根此中知諸法實相了了故名知從是得
無生法忍果住阿鞞跋致地得受記乃至滿十地坐
道場得金剛三昧於其中間名爲知根斷一切煩惱
習得阿耨多羅三藐三菩提一切可知法智慧偏滿
故名爲知已根

大智度論卷第二十三

音釋

叵

普火切不可也

眴

輪闊切目動也

漬

澌切沃也

釀

女亮切酒也

糓

胡郭切獲也

淘

汰徒切踐也

汰

徒蓋切

擎

古候切取牛乳也

大智度論卷第二十四

龍樹菩薩造

釋初品中十力

姚秦三藏法師鳩摩羅什譯

經舍利弗菩薩摩訶薩欲徧知佛十力四無所畏四
無礙智十八不共法大慈大悲當習行般若波羅蜜
論問曰是十力四無所畏等是佛無上法應當前說
何以故先說九想八念等答曰六波羅蜜是菩薩所
應用先已說三十七品乃至三無漏根是聲聞法菩
薩行是六波羅蜜得力故欲過聲聞辟支佛地亦欲

對長洲徐書上元盛高刻萬曆辛卯冬玉臺山妙德齋

對馬都尉王高施賛刻此大智度論第二十四卷嘉禾釋培

德齋

教化向聲聞辟支佛人令人佛道是故呵是小乘法
捨一切衆生無所利益若諸聲聞人言汝是凡夫人
未斷結使不能行是法是故空訶以是故佛言菩薩
應具足三十七品等諸聲聞法不可得故雖行是諸
法以不可得故爲衆生行邪行故行此正行常不捨
是諸法不可得空亦不疾取涅槃證若菩薩不解不行
是小乘而但呵者誰當肯信譬如釋迦牟尼佛若
先不行六年苦行而呵言非道者無人信受以是故
自行苦行過於餘人成佛道時呵是苦行道人皆信
受是故六波羅蜜後次第行聲聞法復次此非但是
聲聞法是法中和合不捨衆生意具足一切佛法以
不可得空智故名菩薩法門曰若菩薩具足三十七
品諸法者云何不入聲聞法位答曰具足者具足觀
知而不取證了了觀知故名具足如佛說

一切畏杖痛 莫不憚壽命 惑已可爲喻

杖不加羣生

雖言一切畏杖痛無色界衆生無身色界雖有身而
無鞭杖欲界中諸佛轉輪聖王夜摩天已上皆不畏
杖楚爲畏得杖處者故言一切具足亦如是不爲求
證著法故言具足復次我先說不捨衆生以不可得

空智和合故不墮聲聞地問曰從六波羅蜜至三無
漏根但言應具足自此已後何以故皆言欲得欲知
是事當習行般若波羅蜜答曰聲聞法有量有限故
言應具足自此已下是諸佛法甚深無量菩薩未得
故言欲得是事當學般若波羅蜜復次聲聞法易解
易知故言具足菩薩法佛法難解難知故言當學復
次聲聞法總相但知苦知苦因知苦盡知盡苦道譬
如二種醫一者但知病知病因知差病知差病藥而
不知一切病不知一切病因不知一切病差不知一
切差病藥或復但知治人病不知治畜生或能治一
國土不能治餘國上有能治數十種病不悉知四百
四種病病因病差差病藥亦如是二者於四種中悉
皆徧知徧知藥徧知病聲聞人如小醫不能徧知菩
薩摩訶薩如大醫無病不知無藥不識以是故聲聞
法應具足菩薩法當學佛十力者是處不是處如實
知一力也知衆生過去未來現在諸業諸受知造業
處知因緣知果報二力也知諸禪解脫三昧定垢淨
分別相如實知三力也知他衆生諸根上下相如實
知四力也知他衆生種種欲五力也知世間種種無
數性六力也知一切道至處相七力也知種種宿命

共相共因緣一世二世乃至百千世劫初劫盡我在
彼衆生中如是姓名飲食苦樂壽命長短彼中亦是
間生是間亦還生是間此間生名姓飲食苦樂壽命
長短亦如是八力也佛天眼淨過諸天人眼見衆生
眾時生時端正醜陋若大若小若墮惡道若墮善道
如是業因緣受報是諸衆生惡身業成就惡口業成
就惡意業成就謗毀聖人邪見邪見業成就是因緣
故身壞死時入惡道生地獄中是諸衆生善身業成
就善口業成就善意業成就不謗聖人正見正見業
成就是因緣故身壞死時入善道生天上九力也佛
諸漏盡故無漏心解脫無漏智慧解脫現在法中自
識知我生已盡持戒已立不作後有盡如實知十力
也問曰是十力菩薩未得聲聞辟支佛所不能得今
何以說答曰聲聞人雖不能得若聞是十力功德作
是念佛有如是大功德自慶言我等善利蒙益不少
得信心清淨入盡苦道諸菩薩者聞之勤修菩薩道
當得如是十力等大功德果復次有聲聞人及菩薩
修念佛三昧非但念佛身當念佛種種功德法身應
作是念佛一切種一切法能解故名一切智人一切
法如實善分別說故名一切見人一切法現前知故

名一切知見無礙人等心一切衆生故名大慈悲人
有大慈悲故名爲世救如實道來故名爲如來應受
一切世間供養故名爲應供人成就不顛倒智慧故
名正徧知戒定智慧成就故名明行成不復還故名
善逝知世間總相別相故名世間解善說出世間安
隱道故名無上調御師以三種教法度衆生故名天
人師一切世間煩惱睡能自覺亦能覺人故名爲覺
人一切所願具足故名有德十力成就故名堅誓得
四無畏故名人師子得無量甚深智故名大功德海
一切記說無礙故名如風一切好醜無憎愛故名如
地燒一切結使薪故名如火善斷一切煩惱習故名
具足解脫最上住處故名爲世尊佛有如是等諸功德
故應念佛以是故菩薩摩訶薩欲得佛十力四無所畏
十八不共法當學般若波羅蜜復次佛在王舍城者闍
嵒山中說是般若波羅蜜時佛四部衆及諸外道在家
出家諸天龍鬼神等種種大衆集會佛入三昧王三昧放
大光明徧照恒河沙等世界地六種震動說是般若
波羅蜜六波羅蜜乃至三無漏根是中有衆生疑有何等
力有幾種力故能作如是不可思議感動利益佛知衆生
心有如是疑故言我有諸

法實相智力是力有十種用是十種智故能作如是
感動變化亦能過是所作以是故言欲得十力當學
般若波羅蜜復次佛弟子世世植善根以少罪緣故
墮外道諸外道常言佛非實有功德力是幻術力詐
惑人心佛弟子墮外道者心疑若爾者佛非大人欲
滅是惡謗故言我實有十力四無所畏故度衆生非
是幻詐也復次諸菩薩修菩薩道苦行事難辦難成
故欲懈息是故佛言行是十力當得無量果報譬如
賈客主慰喻商人言汝等慎勿疲倦精勤努力得至
寶山當得七寶如意寶珠佛亦如是安慰諸菩薩言
無得疲厭當勤精進修菩薩道行是十力當得無量
果報如是等種種利益因緣故說十力等問曰佛有
無量力何以故但說十力答曰諸佛雖有無量力度
人因緣故說十力足成辦其事以是處不是處智力
分別籌量衆生是可度是不可度以業報智力分別
籌量是人業障是人報障是人無障以禪定解脫三
昧智力分別籌量是人著味是人不著味以上下根
智力分別籌量衆生智力多少以種種欲智力分別
籌量衆生所樂以種種性智力分別籌量衆生深心
所趣以一切至處道智力分別籌量衆生解脫門以

宿命智力分別籌量衆生先所從來以生歟智力分別籌量衆生處好醜以漏盡智力分別籌量衆生得涅槃佛用是十種力度脫衆生審諦不錯皆得具足以是故佛雖有無量力但說此十力復次是處不是處力定知從是因緣出是果報是中總攝九力爲欲度衆生故於初力中分別有九種何以故是世間衆生現前見穀從種出而不能知何況心心數法因緣果報佛於內外因緣果報了了徧知故名爲力佛知是衆生業煩惱因緣故縛淨禪定三昧解脫因緣故解是一切衆生三世三種諸業諸煩惱輕重深淺麤細佛悉徧知故名力一切衆生諸禪定解脫三昧大小深淺解脫因緣佛悉徧知故名力衆生鈍根爲後身故作罪福業因緣利根人爲不生故集諸業佛悉知此上下根好醜相故名力知一切衆生二種欲作上下根因緣二種欲善惡種種別異佛悉徧知故名力二種欲由二種性因緣故徧知衆生深心所趣故名力一切衆生種種性因緣故行二種道所謂善道惡道種種門所至處佛悉徧知故名力過去未來世中因緣果報智慧無疑是名宿命生死智力知過去未來因果已悉知方便壞因緣果報相續是名漏

盡力佛知三世中二種因緣分別籌量衆生根欲性爲漏盡故說法是漏盡力問曰何等爲是處不是處力答曰佛知一切諸法因緣果報定相從是因緣生如是果報從是因緣不生如是果報所以者何如多性經中說是處不是處相女身作轉輪聖王無是處何以故一切女人皆屬男子不得自在故女人尚不得轉輪聖王何況作佛若女人得解脫涅槃亦因男子得無有自然得道二轉輪聖王一時出世無是處何以故無惡業成就故二轉輪聖王尚不同世何況二佛惡業得受樂報無是處惡業尚不能得世間樂何況出世樂若惡行生天無是處惡行尚不能得生天何況涅槃五蓋覆心散亂離修七覺而得涅槃無是處五蓋覆心離修七覺尚不能得聲聞道何況佛道心無覆蓋佛道可得何況聲聞道如是等是處不是處多性經中佛口自說諸論議師輩依是佛語更廣說是處不是處若言佛有闕失罪過若諸賢聖求外道師若諸賢聖自言我是佛若諸賢聖墮惡道若見諦所斷結更生若諸賢聖覆藏罪若須陀洹二十五有皆無是處如賢聖中分別廣說五逆八五種黃門墮四惡道衆生鬱多羅越人魔眷屬三障所遮若

言得道皆無是處輕說法者輕法自輕破戒愚癡若
言得具足善法無是處自言我是佛此身口惡不悔
欲見佛若破僧罪不悔欲見佛邪定人正定正定入
邪定正定入不定除佛法別有真得道人應得道身
若死皆無是處除因緣生識出名色更有法無是處
佛遣使事未訖若遮礙無是處入慈三昧若他因緣
死入滅盡定在見諦道中若死皆無是處若害佛及
佛母無是處轉輪聖王女寶象馬主藏臣主兵臣若
在胎中死母子夭喪皆無是處鬱多羅越人女寶佛
母命終次身入惡道皆無是處有爲常涅槃無常凡
夫人能斷非有想非無想結使一切取相禪定中修
聖道無漏道有漏因若地濕相水堅相火冷相風住
相皆無是處無明不能生諸行乃至生不能生老死
無有是處二心一時生五識衆能分別取相若著若
離能起身業口業若眠若入禪定無有是處但五識
相續生不生意識但五識衆中著有相續但五識衆
能緣名能緣相能緣無色法能緣過去未來能緣離
三世法但五識衆中有憎觸明觸修禪定若受善律
儀不善律儀若憂喜鼻識舌識有隱沒無記若有無
覺無觀若增益諸根皆無是處凡夫人第六識離我

受心行無是處如是等無量無是處是處亦如是佛
知是處無是處分別籌量可度者爲說法不可度者
爲作因緣譬如良醫知病可治不可治聲聞辟支佛
所知少少故或不應度者欲度如毘盧應度而不度
如舍利弗所不度者是佛無是事無能壞無能勝悉
徧知故是初力業報智力者身口所作業及此生無
作業所受戒業亦惡業日夜隨生業用生罪福業是
業佛略說三處攝是名一切業用佛知一切衆生有
業過去報亦過去有業過去報在現在有業過去報
在未來有業過去報在過去現在有業過去報在過
去未來有業過去報在現在未來有業過去報在過
去未來現在現在業亦如是復次善心中受善不善
無記業報不善心無記心亦如是復次樂業因緣故
受樂報苦業因緣故受苦報不苦不樂業因緣故受
不苦不樂報現報業因緣故受現報生報業因緣故
受生報後報業因緣故受後報不淨業因緣故受惱
報淨業因緣故受無惱報襍業因緣故受雜報復次
二種業必受報業不必受報業必受報業不可得離
或待時待人待處受報如福人應共轉輪聖王受福
待轉輪聖王好世出是時乃受是爲待時待人者人

789101234567892012345678930123456

卽是轉輪聖王待處者轉輪王所出處復次是必受報業不待技能功勲若醜若好不求自來如天上生人福樂自至地獄中人罪苦自追不待因緣此業深重故復次必受報業如毗瑠璃軍殺七萬二千諸得道人及無量五戒優婆塞如目連等大神通人所不能救如薄拘羅後母投著火中湯中水中而不歟如佛遊諸國雖出家行乞不須膳供而五百乘車載王所食業中生粳米隨飯百味羹如是等善惡業必受餘者不必受欲界受三種業報處樂受業苦受業不苦不樂受業色界受二種業報處樂受業不苦不樂受業無色界受一種業報處不苦不樂受業或待事者依是事得受業報如弗迦羅婆王池中生千葉金色蓮華大如車輪因是大會快樂多人出家得道佛知一切衆生造諸業處或欲界色界無色界欲界在何道中若天道在何天中若人中在何天下若閻浮提在何國若是國在何城何聚落若是城在何里何巷何舍在何處知是業何時作過去一世二世乃至百千萬世是業果報幾已受幾未受幾必受幾不必受知善不善所用事物所謂刀杖穀菽殺等自殺遭人殺諸餘惡業亦如是善業亦如是知如布施持戒

修善施中所施何等土地房舍衣服飲食醫藥臥具
七寶財物戒中受戒自然戒心生戒口言戒一行戒
少分戒多分戒滿分戒一日戒七善道戒十戒具足
戒定共戒善福中修初禪二三四禪慈心悲喜捨心
如是等業善因緣若慳貪若瞋恚若怖畏若邪見若
惡知識等種種惡業因緣福業因緣若信若憐愍若
恭敬若禪定若智慧若善知識等種種善業因緣是
諸業自在一切天及人是諸業相無能轉者於億千
萬世常隨逐衆生不捨如債主隨人得因緣具足便
與果報如地中種子得因緣時節和合便生是業能
令衆生六道中受生駛疾於箭一切衆生皆有諸業
報分如父母遺財諸子皆應得分是業果報時到不
可遞止如劫盡火隨衆生應生處處安置如大國王
隨其所應而與官職人命終時是業來蔭覆其心如
大山暎物是業能與種種身如工畫師作種種像若
人以正行御業善法將養則與好報若以邪行御業
不善將養則與惡報如人事王隨事得報如是等分
別諸業相果報復次如分別業經中佛告阿難言惡
人好處生行善人惡處生阿難言是事云何佛言惡
人今世罪業未熟宿世善業已熟以是因緣故今雖

爲惡而生好處或臨歿時善心心數法生是因緣故亦生好處行善人生惡處者今世善未熟過世惡已熟以是因緣故今雖爲善而生惡處或臨歿時不善心心數法生是因緣故亦生惡處問曰熟不熟義可爾臨歿時少許時心云何能勝終身行力答曰是心雖時頃少而心力猛利如火如毒雖少能成大事是垂歿時心決定猛健故勝百歲行力是後心名爲大心以捨身及諸根事急故如人入陣不惜身命名爲健如阿羅漢捨是身著故得阿羅漢如是等種種罪福業報轉報亦應如是知聲聞人但知惡業罪報善業福報不能如是細分別佛悉徧知是業及業報智慧勢力無礙無盡無能壞無能勝是名第二力禪定解脫三昧淨垢分別智力者禪名四禪佛知是禪佐助道法名相義分次第裏修有漏無漏學無學淨垢味不味深淺分別等八解脫如禪中分別相說禪攝一切色界定說解脫攝一切定禪波羅蜜即是諸解脫禪定解脫三昧皆名爲定定名爲心不散亂垢名愛見慢等諸煩惱淨名真禪定不襍愛見慢等煩惱如真金分別名諸定中有一心行一心行常行不常行難入易入難出易出別取相總取相轉治不轉

治轉治如姪欲中慈心瞋人不淨觀愚癡思惟邊無
邊掉戲心中用智慧分別諸法沒心中欲攝心若不
爾者名不轉治是定中應分別時及住處若身瘦羸
是非行定時如菩薩苦行時作是念我今不能生禪
定若多人處亦非定處復次佛知是禪定爲失故是
禪爲住故是禪爲增益故是禪爲逢到涅槃故復次
佛知是人難入定難出易入易出易入難出難入
易出佛知是人應得如是禪知是人失禪受五欲知
是人受五欲已還得禪依是禪得阿羅漢如是等一
切諸禪定解脫即是三昧是禪定佛以甚深智慧盡
知無能壞無能勝是名第三力知衆生上下根智力
者佛知衆生是利根鈍根中根利智名爲上鈍智名
爲下佛用是上下根智力分別一切衆生是利根是
中根是鈍根是人如是根今世但能得初果更不能
得餘是人但能得第二第三第四果是人但能得初
禪是人但能得第二第三第四禪乃至滅盡定亦如
是是人當作時解脫證是人當作不時解脫證是人
能得於聲聞中第一是人能得於辟支佛中第一是
人具足六波羅蜜能得阿耨多羅三藐三菩提如是
知已或爲略說得度或爲廣說得度或爲略廣說得

度或以軟語教或以苦語教或以軟苦語教佛亦分別是人有餘根應令增生信根是人應令生精進念定慧根是人用信根入正位是人用慧根入正位是人利根爲結使所遮如鶩羣梨摩羅等是人利根不爲結使所遮如舍利弗目連等知根雖鈍而無遮如周利般陀伽有根鈍而遮者知是人見諦所斷根鈍思惟所斷根利思惟所斷鈍見諦所斷利是人一切根同鈍同利是人一切根不同鈍不同利是人先因力大是人今緣力大是人欲縛而得解是人欲解而得縛譬如鶩羣梨摩羅欲殺母害佛而得解脫如一比丘得四禪增上慢故還入地獄知是人必墮惡道是人難出是人易出是人疾出是人久久乃出如是等一切衆生上下根相皆悉偏知無能壞無能勝是名第四力知衆生種種欲智力者欲名信喜好樂好五欲如孫陀羅難陀等好名聞如提婆達等好世間財利如須彌刹多羅等好出家如耶舍等好信如跋迦利等好持戒如羅睺羅等好施如陀跋羅佛陀姑甘
露女所生也好頭陀遠離如摩訥迦葉好坐禪如隸跋多等好智慧如舍利弗等好多聞如阿難等好知毗尼如優波離等如是佛弟子各各有所好凡夫人亦各各有

所喜或有喜婬欲或有喜瞋恚復次佛知是人多欲
多瞋多癡問曰何等是多婬多瞋多癡相答曰如禪
經中說三毒相是中應廣說知如是相已多婬欲人
不淨法門治多瞋人慈心法門治多愚癡人因緣法
門治如是隨所欲說法所謂善欲隨心爲說如船順
流惡欲以苦切語教如以橋出橋是欲智中佛悉徧
知無能壞無能勝是名第五力性智力者佛知世間
種種別異性性名積習相從性生欲隨性作行或時
從欲爲性習欲成性性名染心爲事欲名隨緣起是
爲欲性分別世間種種別異者各各性多性無量不
可數是名世間別異有二種世間世界世間衆生世
間此中但說衆生世間佛知衆生如是性如是欲從
是處來成就善根不善根可度不可度定不定必不必
行何行生何處在何地復次佛知是衆生種種性
相所謂隨所趣向如是偏多如是貴如是染心事如
是欲如是業如是行如是煩惱如是禮法如是定如
是威儀如是知如是見如是憶想分別爾所結使生
爾所結使未生隨所著生欲隨欲染心隨染心趣向
隨趣向貴重隨貴重常覺觀隨覺觀爲戲論隨戲論
常念隨念發行隨發行作業隨作業果報復次佛用

是種種性智力知是衆生可度是不可度是今世可度是後世可度是卽時可度是異時可度是現前可共可度是人必可度是人必不可度是人略說可度是人廣說可度是人略廣說可度是人聲聞能度是人折伏可度是人將迎可度是人棄捨可度是人細法可度是人麤法可度是人苦切可度是人輒語可度是人苦輒可度是邪見是正見是著過去是著未來是著斷滅是著常是著有見是著無見是欲生是欲滅是著厚是著薄邪見是說無因無緣是說欲生是求富貴樂是著厚邪見是說無因無緣是說邪因緣是說正因緣是說無作業是說邪作業是說正作業是說不求是說邪求是說正求是說我是貴五欲是貴得利是貴飲食是貴說戲樂事是樂衆是樂憒鬧是樂遠離是多行愛是多行見是好信是好慧是應守護是應捨是貴持戒是貴禪定是貴智慧是易悟是講說乃悟是可引導是句句解是利根是鈍根是中根是易出易拔是難出難拔是畏罪是重罪是畏生死是不畏生死是多欲是多瞋是多癡是多欲瞋是多欲癡是多欲瞋癡是薄煩惱是厚煩惱是少垢是多垢是覆慧是略慧是廣慧是

人善知五陰相十二入十八界十二因緣是處非是處苦集滅道善知入定出定住定復次佛知是欲界衆生是色界是無色界衆生是地獄畜生餓鬼人天是卵生胎生濕生化生是有色是無色是有想是無想是短命是長命是但凡夫人未離欲是凡夫人離下地欲未離禪欲如是乃至非有想非無想是向道是得果是辟支佛是諸佛如是等種種分別五道四生三聚假名障衆入界善根不善根諸結使地業果是可度是不可度減智分別以如是等分別知世間種種別異性得無礙解脫如是等種種別異佛悉偏知無能壞無能勝是名第六力一切至處道智力者有人言業卽是道所以者何業因緣故偏行五道有業能斷業能有所至所謂三聖道分及無漏思以是故諸業是一切至處道復次有人言五分五智三昧住一切處利益事辦復有人言第四禪卽是何以故第四禪一切諸定至處如諸經中說是善心定心不亂心攝心皆入第四禪中復次有人言如身念處卽是至處道是諸道利益之本復有言一切聖道是用是聖道得隨意利益復有論者言一切善道一切惡道一切聖道各各知諸道至處如毛豎經中說佛悉

徧知無能壞無能勝是名第七力宿命智力者宿命有三種有通有明有力凡夫人但有通聲聞人亦通亦明佛亦通亦明亦力所以者何凡夫人但知宿命所經不知業因緣相續以是故凡夫人但有通無有明聲聞人知集諦故了了知業因緣相續生以是故聲聞人亦有通亦有明尤佛弟子先凡夫人時得宿命智入見諦道中知集因緣第八無漏心得斷見故故通變爲明所以者何明名見根本若佛弟子先得聖道後宿命智生亦知集因緣力故通變爲明問曰若佛本爲菩薩時先得宿命智諸菩薩離無所有處煩惱後入聖道故云何佛說我初夜得初明答曰是時非明若佛在衆中說我彼時得是明示衆人言是明初夜得譬如國王未作王時生子後作王時人問王子何時生答言王子某時生是生時未作王以今是王故以彼爲王子言王子彼時生佛亦如是宿命智生爾時未是明但名通後夜時知集因緣故通變爲明後在衆中說言我初夜時得是明問曰通明義如是云何爲力答曰佛用是明知已身及衆生無量無邊世中宿命因緣所更種種悉徧知是爲力無能壞無能勝是名第八力生於智力者佛用天眼見衆

生生處凡夫人用是天眼極多見四天下聲聞人
極多傍見小千世界上下亦徧見問曰大梵王亦能
見千世界有何等異答曰大梵王自於千世界中立
則徧見若在邊立則不見餘處聲聞人則不爾在所
住處常見千世界辟支佛見百千世界諸佛見無量
無邊諸世界凡夫人天眼智是通而非明亦如是但
見所有事不能見隨業因緣受生如宿命中說復次
得天眼人中最第一者阿泥盧豆色界四大造色半
頭清淨是天眼佛天眼四大造色徧頭清淨是爲差
別復次聲聞人所住於三昧中得天眼卽所住三昧
中能見若有覺有觀三昧若無覺有觀三昧若無覺
無觀三昧佛隨所入三昧中住欲見盡見若依無覺
三昧中亦能見復次聲聞人用是天眼見時所住三
昧中心入餘三昧天眼則滅佛則不爾心雖入餘三
昧天眼不滅是智慧徧知一切衆生生處所趣無能
壞無能勝是名第九力漏盡智力者問曰九力智慧
分別有差別漏盡則同一切聲聞辟支佛有何等異
答曰雖漏盡是同智慧分別大差別聲聞極大力思
惟所斷結生分住分滅分三時斷佛則不爾一生分

時盡斷聲聞人見諦所斷結使生時斷思惟所斷三時滅佛則見諦所斷思惟所斷無異聲聞人初入聖道時入時與達時異佛則一心中亦入亦達一心中得一切智一心中壞一切障一心中得一切佛法復次諸聲聞人有二種解脫煩惱解脫少障解脫佛有一切煩惱解脫亦有一切法障解脫佛自然得智慧諸聲聞人隨教道行得復有人言若佛以智慧斷一切衆生煩惱其智亦不耗不減譬如契鐵丸著少綿上雖燒此綿而火勢不減佛智慧亦如是燒一切煩惱智力亦不減復次聲聞但知自盡漏諸佛自知盡漏亦知盡他人漏如淨經中說復次佛獨知衆生心中分別有九十八使一百九十六纏除佛無有知者佛亦獨知苦法智苦比智中斷爾所結使性乃至道比智亦如是思惟所斷九解脫道中亦爾佛悉徧知一切衆生如是事聲聞若少知少說皆隨佛語如是漏盡智慧力勢無能壞無能勝是名第十力問曰是十力何者最勝答曰各各於自事中大如水能漬火能燒各自有力有人言初力爲大能攝十力故或言漏盡力大事辦得涅槃故論者言是十力皆以無礙解脫爲根本無礙解脫爲增上問曰若是十力獨

是佛事弟子今世無人能得佛何以故說答曰斷人
十力中疑故無智人令心決定堅牢故令四衆歡喜
言我等大師獨有如是力不與一切衆生共又諸外
道輩言僑曇氏沙門常寂靜處住智慧縮沒以是故
發至誠言我十種智力四無所畏安立具足在大衆
中說真智慧教化衆生如師子吼轉梵輪一切外道
及天世人無能轉者爲止是謗故說是十力問曰好
人法一事智慧尚不應自讚何況無我無所著人而
自讚十力如說

自讚自毀 讚他毀他 如是四種

智者不行

答曰佛雖無我無所著有無量力大悲爲度衆生故
但說十力不爲自讚譬如好賈客導師見諸惡賊誑
諸賈客示以非道導師愍念故語諸賈客我是實語
汝莫隨誑惑者又如諸弊醫等誑諸病人良醫愍
之語衆病者我有良藥能除汝病莫信欺誑以自苦
因復次佛功德深遠若佛不自說無有知者爲衆生
所說所益甚多以是故佛自說是十力復次有可度
者必應爲說所應說中次第應說十力若不說彼不
得度是故自說譬如日月出時不作是念我曠天下

當有名稱日月既出必自有名佛亦如是不自念爲有名稱故自說功德佛清淨語言說法光明破衆生愚闇自然有大名稱以是故佛自說十力等諸功德無有失力名能有所辨用是十種力增益智慧故能破論議師用是十種力增益智慧故能好說法用是十種力增益智慧故能摧伏不順用是十種力增益智慧故於諸法中得自在如大國主於臣民大衆中得自在是爲以聲聞法略說十力義

大智度論卷第二十四

音釋

樞先結切
木樞也

(駒馬都尉王景施刻 大智度論第二十四卷嘉禾釋道海對
長洲徐普書溧水陶學詩刻 萬曆辛卯冬五臺山妙德庵識)

大智度論卷第二十五

龍樹菩薩造

姚秦三藏法師鳩摩羅什譯

釋初品中四無畏四無礙智

四無所畏者佛作誠言我是一切正智人若有沙門婆羅門若天若魔若梵若復餘衆如實言是法不知乃至不見是微畏相以是故我得安隱得無所畏安住聖主處如牛王在大衆中師子吼能轉梵輪諸沙門婆羅門若天若魔若梵若復餘衆實不能轉一無畏也佛作誠言我一切漏盡若有沙門婆羅門若天

若魔若梵若復餘衆如實言是漏不盡乃至不見是
微畏相以是故我得安隱得無所畏安住聖主處如
牛王在大衆中師子吼能轉梵輪諸沙門婆羅門若
天若魔若梵若復餘衆實不能轉二無畏也佛作誠
言我說障法若有沙門婆羅門若天若魔若梵若復
餘衆如實言受是障法不障道乃至不見是微畏相
以是故我得安隱得無所畏安住聖主處如牛王在
大衆中師子吼能轉梵輪諸沙門婆羅門若天若魔
若梵若復餘衆實不能轉三無畏也佛作誠言我所
說聖道能出世間行是道能盡諸苦若有沙門婆羅
門若天若魔若梵若復餘衆如實言行是道不能出
世間不能盡苦乃至不見是微畏相以是故我得安
隱得無所畏安住聖主處如牛王在大衆中師子吼
能轉梵輪諸沙門婆羅門若天若魔若梵若復餘衆
實不能轉四無畏也問曰以何事故說四無所畏答
曰有人言佛自稱一切智一切見世間一切經書技
術智巧方便甚多無量若一切衆生共知一切事猶
尚難況佛一人而有一切智或有是事有是事難佛
將無有畏欲斷是疑妄斷是難故佛說四無所畏復
次若佛未出世外道等種種因緣欺誑求道求福人

或食種種果或食種種菜或食種種艸根或食牛屎
或食梯稗或日一食或二日或十日一月二月一食
或喻風飲水或食水衣如是等種種食或衣樹皮樹
葉艸衣鹿皮或衣板木或在地臥或臥杵上杖上灰
上棘上或寒時入水或熱時五熱自炙或入水炙入
火炙投巖炙斷食炙如是等種種苦行法中求天上
求涅槃亦殺弟子令不捨是法如是引致少智衆生
以得供養譬如螢火蟲日未出時少多能熒若日出
時千光明熒月及衆星皆無有熒豈況螢火若佛未
出世諸外道輩小熒熒世得供養佛出世時以大智
光明滅諸外道及其弟子皆不復得供養以失供養
利故便妄語謗佛及佛弟子如孫陀利經中說自殺
孫陀利而謗佛語衆人言世間弊人尚不爲是是人
世間禮法尚不能知何況涅槃佛欲滅如是等謗謗
故自說實功德四無所畏言我獨是一切智人無有
能如實言佛不能知我不畏是事我獨一切諸漏及
習盡無有能如實言佛漏未盡我不畏是事我說遮
涅槃道法無有能如實言是法不能遮涅槃佛不畏
是事佛說苦盡道達到涅槃無有能如實言是道不
能到涅槃佛不畏是事略說是四無所畏體一者正

知一切法二者盡一切漏及習三者說一切障道法
四者說盡苦道是四法中若有如實言不能盡徧知
佛不畏是事何以故正徧知了了故初二無畏爲自
功德具足故後二無畏爲具足利益衆生故復次初
第一第三無畏中說智第二第四無畏中說斷智斷
具足故所爲事畢問曰十力皆名智四無所畏亦是
智有何等異答曰廣說佛諸功德是力略說是無畏
復次能有所作是力無所疑難是無畏智慧集故名
力散諸無明故是無畏集諸善法故名力減諸不善
法故名無畏自有智慧故名力無能壞者故名無畏
智慧猛健是力堪受問難是無畏集諸智慧是名力
智慧外用是無畏譬如轉輪聖王七寶成就是力得
是七寶已周四天下無不降伏是名無畏又如良醫
善知藥方是名力合和諸藥與人是名無畏自利益
是名力利益他是無畏自除煩惱是名力除他煩惱
是無畏無能沮壞是名力不難不退是無畏自成己
善是名力能成他善是無畏巧便智是名力用巧智
是無畏一切智一切種智是名力一切智一切種智
顯發是無畏十八不共法是名力十八不共法顯發
於外是無畏徧通達法性是名力若有種種問難不

復思惟卽時能答是無畏得佛眼是名力佛眼見已可度者爲說法是無畏得三無礙智是名力得應辯無礙是無畏義無礙智是名力樂說無礙智是無畏一切智自在是名力種種譬喻種種因緣莊嚴語言說法是無畏破魔衆是名力破諸外道論議師是無畏如是等種種因緣分別力無畏問曰何等名無所畏答曰得無所疑無所忌難智慧不卻不沒衣毛不豎在在法中如說卽作是無畏問曰云何當知佛無所畏答曰若有所畏不能將御大衆能攝能捨能苦切治或軟語教如佛一時能驅遣舍利弗目連等還

復憐愍心受若有所忌難者諸論議師輩住憍慢山頂以外智慧心狂醉皆言天下唯有我一人更無餘人自於經書決定知故破他經書論議以惡口訾毀如狂象無所護憐如是狂人菴跋咤長爪薩遮祇尼捷毘盧祇等諸大論議師皆降伏若有所畏則不能爾及憍陳如等五出家人優樓頻螺迦葉等千結髮仙人舍利弗目犍連摩訶迦葉等於佛法中出家及百千釋子并諸闍浮提大王波斯匿大王頻婆娑羅王旃陀波殊提王優填王弗迦羅婆利王梵摩達王等皆爲弟子諸在家婆羅門皆度一切世間智慧爲

大國王所師仰梵摩喻弗迦羅婆利鳩羅檀陀等皆爲弟子有得初道有得第二第三第四道諸大鬼神阿羅婆迦鞞沙迦等諸大龍王阿波羅羅耶羅鉢多羅等鶩羣黎摩羅諸惡人等皆降化歸伏若有所畏不能獨在樹下師子座處坐欲得阿耨多羅三藐三菩提時魔王軍衆化作師子虎狼熊羆之晉或一眼或多眼或一耳或多耳擔山吐火四邊圍遶佛以手指按地珣息之頃卽皆消滅諸天阿脩羅鞞摩質帝隸釋提婆那民梵天王等引導其心皆爲弟子若有所畏不能在此大衆中說法以無所畏故能爲如是諸天鬼神大衆中說法故名無所畏復次佛於一切衆生最尊最上盡到一切法彼岸得大名聞故自說無所畏復次且置是佛功德佛一切世間功德亦無能及者所畏法一切已拔根本故所畏法者弊家生弊生處惡色無威儀麤惡語等弊家生者如毘陀羅所謂擔杖人除糞養雞豬捕獵屠殺沽酒兵伍等卑賤小家若在大衆中則多怖畏佛從本已來常生轉輪聖王種中所謂頂生王快見王婆竭王摩訶提婆王如是等名曰種王家中生亦以是故無所畏弊生處者安陀羅舍婆羅裸國也兜咗羅小月氏脩利安息大

秦國等在此邊國中生若在大衆中則多怖畏佛在
迦毗羅婆中國生故無所畏惡色者有人身色枯乾
羸瘦人不喜見若在大衆則亦有畏佛金色光潤如
火熒赤金山有如是好色故無所畏無威儀者進止
行步坐起無有人儀則有怖畏佛無是事麤惡語者
有人惡音聲齧吃重語無有次第人所不喜則多怖
畏佛無是畏所以者何佛語真實柔軟次第易了不
疾不遲不少不多不沒不垢不調戲勝迦陵毗伽鳥
音辯義分明不中傷物離欲故無染滅瞋故無礙除
愚故易解法喜增長故可愛遮罪故安隱隨他心隨
解說義深語妙有因緣故言有理譬喻故善顯示事
訖故善會事觀種種衆生心故襍說久久皆入涅槃
故一味如是等種種無量莊嚴語故佛於語中無所
畏佛但以如是等世間法尚無所畏何況出世間法
以是說佛有四無所畏問曰佛十力中有無所畏不
若有無所畏不應但言四若有所畏云何言無畏成
就答曰一智在十處名爲佛成就十力如一人知十
事隨事受名是十力四處出用是無所畏是處不是
處力漏盡力卽是初二無畏八力雖廣說是第三第
四無畏以是故十力中有無畏別說亦無失正徧知

者知一切法不顛倒正不邪如餘過去諸佛是名三藐三佛陀如佛告阿難一切世間天及人所不能知佛能徧知故名三藐三佛陀若有人言是法不知問曰是何人答曰是中佛說若沙門婆羅門若天若魔若梵乃至欲與佛論者論何等法有人言佛所不說外諸經書弊迦蘭那僧徒韋陀等十八種大經書有人言須彌山斤兩大地深淺一切艸木頭數有人言是常無常有邊無邊十四難佛不能答有人言是法色法無色法可見不可見有對無對有漏無漏有爲無爲等佛但知一種道事因緣是異法種種因緣佛

或不悉知沙門者說出家人婆羅門者說在家有智人天者說地天虛空天魔者說六欲天梵者說梵天王爲首及一切色界餘者除此更有餘人如實者若以現事若以因緣難乃至不見是微畏相者相名因緣我不見小小因緣如法能來破我者以不見故至誠言安立阿黎沙此言聖主住處佛至誠言我一切漏盡若有人言是漏不盡者無有畏也何等是漏漏名三漏欲漏有漏無漏復次漏名六情中出垢心相應心數法復次如一切漏障經中分別說七漏障道法名諸有漏業及一切煩惱惡道報障爲世間故布施

持戒修十善道受諸味禪略說若能障涅槃若善若不善若無記是名障道法有人言道名二法聖定聖慧是二事等逢到涅槃有人言三聖道無漏戒定慧有人言四法所謂四聖諦有人言出世間五根有言六出性有言七覺意有言八聖道逢到涅槃論議師等言一切無漏道逢到涅槃是中若有沙門婆羅門等來如實言是事不爾乃至不見微畏相以不見故至誠言妄立阿黎沙住處問曰何以故佛至誠言妄立阿黎沙住處答曰自功德具足亦令衆生得安樂利益若佛自得安樂住處不能利益衆生不名阿黎

沙住處若但利益衆生不自具足功德亦不名阿黎沙住處若自有功德亦利益衆生以是故至誠言我安立阿黎沙住處復次佛自滅惡亦滅衆生惡滅二惡故第一清淨妙說法故安立阿黎沙住處復次四聖諦三轉十二行能轉能分別顯示敷演故至誠言我安立阿黎沙住處復次一切疑悔邪見能除卻故言一切甚深問難悉能解釋故名安立阿黎沙住處阿黎沙第十一最上極高不邊不卻不沒具足功德無所減少是名阿黎沙住處如是等因緣功德力故至誠言我安立阿黎沙住處衆中師子吼者衆名八衆沙門衆婆羅門衆刹利衆天衆四天王

789101234567892012345678930123456789

衆三十三天衆魔衆梵衆衆生於此八衆希望智慧
是故經中但說是八衆此中佛師子吼亦在一切衆
中以是故此經中言若復餘衆何以故聞佛音聲者
盡皆是衆復次有人言佛獨屏處說法以是故說在
衆中作是至誠言我有十力四無所畏是名衆中師
子吼復次佛示我是至誠言我爲一切世間師子一
切智人諸有疑不信者悉來我當解釋以是故言衆
中師子吼師子吼者如師子王清淨種中生深山大
谷中住方頰大骨身肉肥滿頭大眼長兎澤明淨眉
高而廣牙利白淨口鼻方大厚實堅滿齒密齊利吐
赤白舌雙耳高上髦髮兎潤上身廣大膚肉堅著脩
脊細署其腹不現長尾利爪其足安立巨身大力從
住處出偃脊噦呻以口扣地現大威勢食不過時顯
晨朝相表師子王力以威麞鹿熊羆虎豹野豬之屬
覺諸久睡降伏高牘有力勢者自開行路而大哮吼
如是吼時其有聞者或喜或怖穴處者隱縮水居者
深入山藏者潛伏廐鳥振鎖狂逸而去鳥飛空中高
翔遠逝佛師子亦如是從六波羅蜜古四聖種大姓
中生寂滅大山深濬禪定谷中住得一切種智頭集
諸善根頰無漏正見脩目兎澤定慧等行高廣眉四

無所畏牙白利無礙解脫具足口四正勤堅滿願三十七品齒密齊利脩不淨觀吐赤白舌念慧耳高上十八不共法髦髮光潤鮮白三解脫門上身肉堅著三示現脩脊明行具足腹不現忍辱嚙纖細遠離行尾長四如意足安立無學五根爪利十種力勢無量無漏法衆具足身諸佛三昧王等住處出四無礙智曠伸諸法地中著無礙解脫口依是十力廣大力度衆生時不過示一切世間天及人晨朝相顯諸法王德威諸外道論議師黨邪見之屬覺諸衆生四諦中睡降伏吾我著五衆者憍慢力開異學論議諸邪見

道行邪者怖畏信正者歡喜鈍者令利安慰弟子破壞外道長壽諸天久受天樂則知無常如是衆生聞四諦師子吼皆生歎心歎心故得離得離故入涅槃是名衆中如師子吼復次佛師子吼及師子吼有差別師子吼者眾獸驚怖若歎若近歎苦佛師子吼得免歎畏師子吼怖世世歎苦佛師子吼但今世歎更無後苦師子吼者其聲麤惡物不喜聞生歎怖畏佛師子吼其聲柔軟聞者無歎心皆深樂普偏遠聞能與二種樂生天樂涅槃樂是爲差別問曰佛師子吼亦令聞者生怖與師子吼有何等異答曰聞佛師子

吼當時小怖後大利益著吾我心者渴愛世間樂人常顛倒所縛邪見心者生怖畏如經中言佛說四諦乃至上諸天悉皆怖畏作是念我等無常相苦相無我相空相何以故爲顛倒心故著常樂相是爲差別復次聞師子吼者除離欲人餘者皆怖畏佛師子吼求涅槃離欲人不離欲人皆怖師子吼者善人不善人皆怖佛師子吼者但善人怖復次師子吼一切時怖佛師子吼雖小怖畏衆生示世間惡罪令不樂世間生觀涅槃功德利益能除世間種種怖畏閑惡趣開善道能令人到涅槃城復次二十事故佛語名師子吼所謂依止十力故不縮故不畏故梵音故未曾有故能引大衆故惡魔驚怖故擾亂魔民故諸天歡喜故得出魔網故斷魔縛故破魔鉤故過魔界故自法增長故減損他法故果報不誑故說法不空故凡夫人入聖道故入聖道者得具足漏盡故隨所應得三乘故以是故佛語名師子吼是名師子吼總相別相義轉梵輪者清淨故名梵佛智慧及智慧相應法是名輪佛之所說受者隨法行是名轉是輪以具足四念處爲轂五根五力爲輻四如意足爲堅牢軸四正勤爲密合軸三解脫爲樞禪定智慧爲調適無漏

戒爲塗輪香七覺意爲襍華纓絡正見爲隨右轉信
心清淨爲可愛喜正精進爲疾去無畏師子吼爲妙
聲能怖魔輪破十二因緣節解輪壞生歎輪離煩惱
輪斷業輪障世間輪破苦輪能令行者歡喜天人敬
慕是輪無能轉者是輪持佛法以是故名轉梵輪復
次佛轉法輪如轉輪聖王轉寶輪問曰佛與轉輪聖
王有何相似答曰如王清淨不襍種中生隨姓家業
成就衆相莊嚴身王德具足能轉寶輪香湯灌頂受
王位於四天下之首壞除一切賊法令無敢違寶藏
豐溢軍容七寶以爲校飾以四攝法攝取衆生善用

主法委任貴姓主兵大臣以治國政妙上珍寶樂以
布施有所知念終始無異佛法王亦如是釋迦牟尼
然燈寶華等佛諸佛清淨姓中生先佛威儀行業具
足三十二相以自莊嚴聖主威德備具轉真法輪智
慧甘露味灌智首於三界中尊破壞一切煩惱賊學
無學衆歡喜所結禁戒無敢違者無量法寶藏具足
七覺分寶莊嚴八萬四千法聚軍出世間四攝法以
攝衆生知方便說四聖諦法爲法王儀舍利弗彌勒
等大將善治佛國法諸無漏根力覺種種妙寶樂以
布施深求一切衆生善事爲所念堅固是爲相似復

次佛於轉輪聖王有殊勝轉輪聖王不離諸煩惱佛已永離諸煩惱轉輪聖王沒在老死涅佛已出離轉輪聖王爲恩愛業佛已過出轉輪聖王行生死險道中佛已過度轉輪聖王在愚癡闇中佛住第一光明中轉輪聖王極自在四天下佛自在無量無邊世界轉輪聖王財寶自在佛心寶自在轉輪聖王渴樂天樂佛乃至有頂樂已離轉輪聖王從他求樂佛自心生樂以是故佛於轉輪聖王爲最殊勝復次轉輪聖王手轉寶輪空中無礙佛轉法輪一切世間天及人中無礙無遮其見寶輪者衆毒皆滅遇佛法輪一切煩惱毒皆滅見寶輪者諸灾惡害皆滅遇佛法輪一切邪見疑悔灾害皆悉消滅王以是輪治四天下佛以法輪治一切世間天及人令得法自在是爲相似復次法輪於寶輪大有殊勝寶輪欺誑法輪堅寶寶輪長三毒火法輪滅三毒火寶輪有漏法輪無漏寶輪樂五欲樂法輪樂法樂寶輪結使處法輪非結使處寶輪有量處行法輪無量國行寶輪以一心清淨布施故世世可得法輪無量阿僧祇劫集一切善業因緣及智慧故得寶輪王死後更不轉佛滅度法輪猶轉寶輪在一人法輪在一切可度者復次梵名廣

佛轉法輪十方無不徧故名廣復次四梵行心說故名梵輪復次佛在波羅柰轉法輪阿若憍陳如得道聲徹梵天故名梵輪復次有人貴梵天欲令歡喜故名梵輪以是故名梵輪問曰佛或時名法輪或時名梵輪有何等異答曰說梵輪法輪無異復次有人言說梵輪者現四無量心說法輪者示四諦法復次梵輪因四無量心得道是名梵輪依餘法得道是名法輪梵輪示四禪法輪示三十七品梵輪示修禪定聖道法輪示修智慧聖道如是等分別梵輪法輪差別問曰

何法是無畏性答曰佛初得道時得一切佛法十力四無所畏等此中未來世得四無所畏智相應法名無所畏如布施時心中思相應捨法生又如四無量心相應名慈法問曰是四無畏中有何次第答曰初無畏中示人知一切法知一切法故我漏盡漏盡故知障漏盡法斷是障法故說道復次初無畏如示藥師一切藥艸第二示一切病滅第三知禁忌第四示所應食復次初無畏中說一切種智第二無畏中說無一切煩惱習第三無畏中說法無謬失第四無畏中所說事辦得至涅槃問曰如般若波羅蜜中品品

說五衆乃至十力四無所畏十八不共法皆空今云
何分別說其相答曰佛法中不可得空於諸法無所
礙因是不可得空說一切佛法十二部經譬如虛空
無所有而一切物皆依以長成復次是十力四無所
畏不以取相著心分別故但爲度衆生知衆生從是
因緣得解脫譬如藥艸但爲差病不爲求藥艸相如
中論中說

若信諸法空 是則順於理 若不信法空
一切皆違失 若以無是空 無所應造作
未作已有業 不作有作者 如是諸法相

誰能思量者 唯有淨直心 所說無依止
離於有無見 心自然內滅

問曰聲聞法說十力四無所畏如是摩訶衍分別十
力四無所畏復云何答曰是十力四無所畏中盡知
徧知是摩訶衍中說十力四無所畏問曰聲聞法中
亦說盡知徧知云何言摩訶衍中說盡知徧知答曰
諸論議師說佛盡知徧知非佛自說今說摩訶衍中
十力四無所畏故佛自說我盡知徧知復次爲聲聞
人說十力四無所畏合說四諦十二因緣等諸聲聞
法皆爲到涅槃今說摩訶衍中十力四無所畏合大

悲諸法實相不生不滅說問曰佛有十力四無所畏
菩薩有不答曰有何者是一者發一切智心堅深牢
固力二者具足大慈故不捨一切衆生力三者不須
一切供養恭敬利故具足大悲力四者信一切佛法
具足生一切佛法及心不厭故大精進力五者一心
慧行威儀不壞故禪定力六者除二邊故隨十二因
緣行故斷一切邪見故滅一切憶想分別戲論故具
足智慧力七者成就一切衆生故受無量生歟故集
諸善根無厭足故知一切世間如夢故不厭生歟力
八者觀諸法實相故知無吾我無衆生故信解諸法
不出不生故無生法忍力九者入空無相無作解脫
門觀故知見聲聞辟支佛解脫故得解脫力十者深
法自在故知一切衆生心行所趣故具足無礙智力
是爲菩薩十力何等爲菩薩四無所畏一者一切聞
持故諸陀羅尼得故憶念不忘故在衆說法無所畏
二者一切法中得解脫故一切法藥分別知用故知
一切衆生根故在大衆中隨應說法無所畏三者菩
薩常離一切衆畏不作是念十方有來難我者我不
能答不見是相在大衆中說法無所畏四者恣一切
人來問難者一一皆答能斷疑惑在大衆中說法無

所畏是爲菩薩四無所畏四無礙智者義無礙智法無礙智辯無礙智樂說無礙智義無礙智者用名字言語所說事各各諸法相所謂堅相地此中地堅相是義地名字是法以言語說地是辯於三種智中樂說自枉是樂說於此四事中通達無滯是名無礙智濕相水契相火動相風心思相五衆無常相五受衆無常苦空相一切法無我相如是等總相別相分別諸法亦如是是名義無礙智法無礙智者知是義名字堅相名爲地如是等一切名字分別中無滯是名爲法無礙智所以者何離名字義不可得知義必由

於名以是故次義有法問曰義之與名爲合耶爲離耶若合名說火時應燒口若離說火時水應來答曰亦不合亦不離古人假爲立名以名諸法後人因是名字識是事如是各各有名字是爲法是名字及義云何令衆生得解當以言辯分別莊嚴能令人解通達無滯是名辯無礙智說有道理開演無盡亦於諸禪定中得自在無滯是名樂說無礙智第一第四無礙智在九地中第二第三無礙智欲界及梵天上第二第三無礙世智第一十智第四九智是無礙三種上中下上諸佛中大菩薩下大阿羅漢問曰力無所

畏無礙皆是智慧內有力外無所畏則具足何以復說無礙答曰力無畏已分別有人雖無所畏在大眾中說法而有礙以是故說四無礙智得是無礙智莊嚴四無所畏四無所畏莊嚴十力復次說無所畏或有疑者言云何一人於大衆中得無所畏佛以前有十力後有四無礙智是故在大衆中說法無所畏如是等分別四無礙智問曰摩訶衍中有菩薩四無礙智不答曰有何者是義無礙智者義名諸法實相不可言說義名字語言不別異前後中亦如是是名義不應離名字語言別有義三事等故名爲義復次一

切諸法義了了知通達無滯是名義無礙智法無礙智者法名一切義名字爲知義故復次菩薩入是法無礙智中常信法不信人常依法不依非法依法者無非法事何以故是人一切諸名字及語言知自相離故復次以是法無礙智分別三乘雖分別三乘而不壞法性所以者何法性一相所謂無相是菩薩用是語言說法知語言空如響相所說法示衆生令信知同法性所說名字言語通達無滯是名法無礙智辯無礙智者以語言說名字義種種莊嚴語言隨其所應能令得解所謂天語龍夜又捷闡婆阿脩羅迦

樓羅摩、曇羅伽等非人語釋梵四天王等世主語人語一語、二語多語略語廣語女語男語過去未來現枉語如是等語言能令各各得解自語他語無所毀譽所以者何是一切法不枉語中語是非實義若語是實義不可以善語說不善但爲入涅槃故說令解莫著語言復次用是語言能令衆生隨法義行所以者何言語皆入諸法實相中是名辯無礙智樂說無礙智者菩薩於一字中能說一切字一語中能說一切語一法中能說一切法於是中所說皆是法皆是實皆是真皆隨可度者而有所益所謂樂脩妬路者

爲說脩妬路樂祇夜者爲說祇夜樂弊迦蘭陀者爲說弊迦蘭陀樂伽陀優陀那尼陀那阿波陀那一筑多闍陀爲頭離頰浮陀達摩優波提舍皆爲說是經隨一切衆生根樂說若好信者爲說信根好精進者爲說精進根好勤念者爲說念根好攝心者爲說定根好智慧者爲說慧根如五根等一切善根亦如是復次二萬一千婬欲人根爲是根故佛說八萬四千治法根隨是諸根樂說治法次第菩薩樂說二萬一千瞋恚人根諸根樂說治法次第菩薩樂說二萬一千愚癡人根

爲是根故佛說八萬四千治法根隨是諸根樂說治
注次第菩薩樂說二萬一千等分人根爲是根故佛
說八萬四千治法根隨是諸根樂說治法次第菩薩
樂說是名樂說無礙智復次菩薩用是無礙智若一
劫若半劫各各莊嚴說法亦不壞諸法相是菩薩或
隱身不現而爲衆生用一切毛孔說法隨其所應不
失本行是菩薩智慧無量一切論議師不能窮盡亦
不能壞是菩薩得是無礙智轉身受生時一切五通
仙人所有經書呪術智慧技能自然悉知所謂四韋
陀六鶯伽呪術知日月五星經原夢經地動鬼語鳥

語手語四足獸鬼著人語國王占相豐儉日月五星

翻醫藥

藥章算數卜歌舞妓樂如是等工巧技術諸

經盡知明達過一切人及諸外道亦不自高亦不憚

他知是俗事不爲涅槃是菩薩成就四無礙智故色
力光明殊於諸梵諸梵恭敬愛樂尊重心無所著爲
如是等一切諸天所尊重恭敬亦無所著但生無常
苦空無我心亦以神通發起諸天令心渴仰而爲說
法無盡無壞斷除疑悔令住阿耨多羅三藐三菩提
是名摩訶衍中菩薩四無礙智能度衆生是名四

無所著義

大字本論卷第二十五

校語

第一紙

二十行
北藏作道
二行章末

第十三紙

一行主法之主
宋南藏作王

第一

音釋

稀稗

稀杜奚切
稗蒲拜切

喻許及切

咤陟駕切

焜占竈切

焜切

騷吃疋寒切

偃吃

偃切
欺訖切
寒賔切

嚙呻呻失人切

呻失人切

呻失人切

濬私閭切

濬疏通也

願以

也領

也領張六切

筭樂器也

駢馬都尉王昌施貲刻此

嘉禾釋道梅對長洲

徐普書龍游徐文忠刻

萬曆辛卯冬五臺山妙德庵識

三

五